

四庫全書

經部

欽定四庫全書

春秋左傳注疏卷三十四

起襄公十九年
盡二十一年

晉杜氏注

唐陸德明音義

孔穎達疏

經十有九年春王正月諸侯盟于祝柯注前年圍齊之

諸侯也祝柯縣今屬濟南郡音義

柯古
多反

晉人執邾子注

稱人以執惡及民也公至自伐齊注無傳疏

正義曰往
年圍齊今

以伐致傳既不說杜亦不解公羊傳曰此同圍齊也何
以致伐未圍齊也未圍齊則其言圍齊何抑齊也曷為
抑齊為其亟伐其意言往年同圍齊者實非圍齊故以
伐致案傳攻平陰齊侯塹防門而守之則是兵實圍齊

不得如公羊說也賈逵云圍齊而致伐以策伐勲也伐者加兵之名圍則伐內之別圍伐終是一事不得各有其勲何言策伐勲也但圍是伐內之別此言至自伐齊僖二十九年言至自圍許史異辭無義例取邾

田自漵水注取邾田以漵水為界也漵水出東海合鄉

縣西南經魯國至高平湖陸縣入泗音義

漵好號反徐音郭又虎伯

反字林口郭口獲二反

季孫宿如晉

葬曹成公注無傳

夏衛孫林父帥師伐齊

秋七月辛卯齊侯環卒注世子光三與魯同盟疏

正義曰環

以成十年即位十五年國佐盟于戚十七年同盟于柯陵十八年崔杼于虛打襄三年世子光于鷄澤五年世子光于戚九年世子光于戲十一年世子光于毫城北不數成公之世世子光猶四同盟言三者襄五年戚盟不書經故杜不數劉炫以為杜誤非也

晉士匄帥師侵齊至穀聞齊侯卒乃還注詳錄所至及還者善得禮

八月丙辰仲孫蔑卒注無傳

齊殺其大夫高厚

鄭殺其大夫公子嘉

冬葬齊靈公注無傳

城西郭注魯西郭音義

郭芳夫反

叔孫豹會晉士勾于柯注魏郡內黃縣東北有柯城

城武城注泰山南武城縣

傳十九年春諸侯還自沂上盟于督揚曰大毋侵小

注督揚即祝柯也音義

督丁毒反
母音無

執邾悼公以其伐

我故注伐魯在十七年遂次于泗上疆我田注正邾

魯之界也泗水名音義

疆居良反

取邾田自濇水歸之于

我注邾田在濇水北今更以濇為界故曰取邾田疏

正義曰邾在魯南田在濇水北今更以濇水為界取邾田北之田歸于魯也十六年命歸侵田此年正邾魯之界則此田舊是魯界邾人取以為已有今日使之歸魯故曰取邾田也公羊傳曰其言自濇水何以濇為竟也何言乎以濇為竟濇移也其意言邾魯以濇水為竟濇水移入邾界魯隨而有之賈服取以為說言刺晉偏而魯貪案傳晉命歸侵田此田邾先侵魯追令反本何晉偏而魯貪公羊之說不可通也

晉侯先歸公享晉六卿于蒲圃注六卿過魯音義

圃布

古反過古未反

賜之三命之服軍尉司馬司空輿尉候奄皆

受一命之服注如韋戰還之賜唯無先輅音義

韋音安

賄荀偃束錦加璧乘馬先吳壽夢之鼎注荀偃中軍

元帥故特賄之五匹為束四馬為乘壽夢吳子乘也

獻鼎於魯因以為名古之獻物必有以先今以璧馬

為鼎之先音義

賄呼罪反乘馬繩證反注四馬為乘同先吳悲薦反又如字夢英公反帥

所類疏

正義曰雜記云納幣一束束五兩兩五尋鄭玄云納幣謂昏禮納徵也十箇為束貴成數

兩兩者合其卷是謂五兩八尺曰尋一兩五尋則每

卷二丈也合之則四十尺今謂之匹猶匹偶之云彼雖主說昏幣但經傳所言束帛束錦者其束多少皆與彼同故云五匹為束也吳子乘以十二年卒乘獻

此鼎於魯魯人因以其人名之謂之吳壽夢之鼎今以此鼎賂荀偃也古之獻物必有以先之老子云雖有拱抱之璧以先駟馬謂以璧為馬先也僖三十三年鄭商人弦高以乘車先牛十二犒師謂以車為牛先也二十六年鄭伯賜子展先路三命之服先八邑謂以車服為邑之先也皆以輕物先重物此錦璧可執馬可牽行皆輕於鼎故以璧馬為鼎之先以輕先重非以賤先貴鼎價未必貴於璧馬也荀偃

痺疽生瘍於頭注痺疽惡創音義

痺丁但反徐音旦疽七徐反瘍音羊

創初

正義曰說文云痺勞病也疽癰也癰腫也瘍

良反

頭創也然則傳言荀偃病此疽腫潰遂生

創於頭杜云痺疽惡創略言其病創耳

濟河及著雍病目出大夫先歸

者皆反士句請見弗內請後曰鄭甥可注士句中軍

佐故問後也鄭甥荀吳其母鄭女音義

著張慮反又直慮反雍於

用反見賢遍反

二月甲寅卒而視不可含注目開口噤音義

視如字徐市至反下同含戶暗反本亦作哈下同噤其蔭反

宣子盟而撫之曰事

吳敢不如事主猶視注大夫稱主音義

鹽音管

樂懷子

曰其為未卒事於齊故也乎注懷子樂盈音義

為于偽反

下注為懷子同

乃復撫之曰主苟終所不嗣事于齊者有如

河乃瞑受含注嗣續也音義

復扶又反瞑亡丁反一音亡平反桓譚以為荀

偃病而目出初死其目未合尸冷乃合非其有所知也傳因其異而記之耳

宣子出曰吾

淺之為大夫也注自恨以私待人○晉欒魴帥師從

衛孫文子伐齊注為懷子之言故也欒魴欒氏族不

書兵并林父不別告也經書夏從告音義

并如字又必政反

○季武子如晉拜師注謝討齊晉侯享之范宣子為

政注代荀偃將中軍音義

將子匠反後放此

賦黍苗注黍苗

詩小雅美召伯勞來諸侯如陰雨之長黍苗也喻晉

君憂勞魯國猶召伯音義

召上照反下同勞力報反來力代反長丁丈反

季

武子興再拜稽首曰小國之仰大國也如百穀之仰

膏雨焉若常膏之其天下輯睦豈唯敝邑賦六月注

六月尹吉甫佐天子征伐之詩以晉侯比吉甫出征

以匡王國音義

仰如字徐五亮反下同膏雨如字徐古報反常膏古報反又如字輯音集

本又作集

季武子以所得於齊之兵作林鐘而銘魯功焉

注林鐘律名鑄鐘聲應林鐘因為名音義

鑄之樹反應應

對之疏

正義曰月令季夏律中林鐘是林鐘六月之律名也周語云景王將鑄無射問律於泠州

鳩對曰律所以立均出度也古之神瞽考中聲而量之以制度律均鐘百官軌儀賈逵云律謂六律六呂以均鐘大小清濁也考成也成平也平中和之聲度律呂之長短以立均鐘以成和平之聲而百官之道

得象而儀之是言度律呂長短然後鑄鐘鐘聲應律遂以律名鐘此鐘聲應林鐘故以林鐘為名臧

武仲謂季孫曰非禮也失銘天子令德注天子銘德

不銘功諸侯言時計功注舉得時動有功則可銘也

大夫稱伐注銘其功伐之勞今稱伐則下等也注從

大夫故疏

正義曰諸侯之銘當言時計功魯之伐齊也借人之功非已有妨民農務不可謂

時二者既無可稱唯有從行征伐可得稱伐勞耳伐雖可稱若稱伐則從大夫之例於三者為下等不足

為功美也

計功則借人也注借晉力也音義

借如字一音情亦反

言

時則妨民多矣何以為銘且夫大伐小取其所得以

作彝器注彝常也謂鐘鼎為宗廟之常器音義

扶音

以之反

銘其功烈以示子孫昭明德而懲無禮也今將

借人之力以救其死若之何銘之小國幸於大國注

以勝大國為幸音義

懲直升反

而昭所獲焉以怒之亡之

道也注為城西郭武城傳○齊侯娶于魯曰顏懿姬

無子其姪駸聲姬生光以為大子注兄子曰姪顏駸

皆二姬母姓因以為號懿聲皆諡音義

娶七住反姪直結反駸子

公反諸子仲子戎子戎子嬖注諸子諸妾姓子者二子

皆宋女音義

仲本亦作中音仲下皆放此變必計反

仲子生牙屬諸戎

子注屬託之音義

屬之蜀反注同

戎子請以為大子許之注

齊侯許之仲子曰不可廢常不祥注廢立嫡之常音

義

嫡本或作適丁歷反

間諸侯難注事難成也音義

間間廁之間

光

之立也列於諸侯矣注列諸侯之會今無故而廢之

是專黜諸侯注謂光已有諸侯之尊而以難犯不祥

也君必悔之公曰在我而已遂東大子光注廢而徙

之東鄙使高厚傅牙以為大子夙沙衛為少傅齊侯

疾崔杼微逆光疾病而立之光殺戎子尸諸朝非禮

也注終言之音義

少詩照反下注公疏正義曰知終猶少同杼直呂反言之者以云

尸諸朝非禮下始云五月齊靈公卒莊公即位若非即位之後豈得尸戎子於朝故傳終言之婦人

無刑注無黥刑之刑音義

黥其京反刑音月又五刮反疏正義曰婦人淫

則閉之於宮犯死不得不殺而云婦人無刑知其於五刑之中無三等刑耳三等墨劓刑也三等之刑墨輕則重故舉其輕重而略其劓也周禮謂之墨尚書謂之黥黥墨為一故依尚書言黥也服虔云婦人從人者也故不為制刑及犯惡從男子之刑也若與男子俱受黥則劓亦是婦人刑矣何獨主男子而婦人從之也劉難服云犯淫則男子雖有刑不在朝市注劓勢婦人閉宮豈得從男子乎

謂犯死刑者猶不暴尸音義

暴蒲卜反

夏五月壬辰晦齊

靈公卒注經書七月辛卯光定位而後赴莊公即位

注天子光也執公子牙於句瀆之邱以夙沙衛易已

衛奔高唐以叛注光謂衛教公易已高唐在祝柯縣

西北音義

句古侯反
瀆音豆

○晉士匄侵齊及穀聞喪而還

禮也注禮之常不必待君命疏

正義曰傳言禮也則兵不伐喪必有常禮

禮有此法故聞喪即還公羊傳曰還者何善辭也何

善爾大其不伐喪也此受命乎君而伐齊則何大乎

其不伐喪大夫以君命出進退在大夫也何休云禮

兵不從中御外臨事制宜唯義所在故善之是與左

氏同也穀梁傳曰還若事未畢之辭也不伐喪善之也善之則何為未畢也君不尸小事臣不專大名善則稱君過則稱己則民作讓矣士句外專君命故非之也然則為士句者宜奈何宜殫帷而歸命乎介其意言待命乃還故杜言不○於四月丁未注於此年必待君命所以排穀梁也

四月鄭公孫蠆卒赴於晉大夫范宣子言於晉侯以其善於伐秦也注十四年晉伐秦子蟠見諸侯師而勸之濟涇六月晉侯請于王王追賜之大路使以行禮也注大路天子所賜車之總名以行葬禮傳言大夫有功則賜服路疏正義曰二十四年穆叔如周王嘉其有禮賜之大路與此並賜

諸侯之卿其文皆云大路知大路天子所賜車之總名也周禮巾車王之五路有玉路金路象路革路木路又有服車五乘孤乘夏篆卿乘夏縵大夫乘墨車士乘棧車庶人乘役車又曰凡良車散車不在等者其用無常周禮有此文耳其封諸侯賜之以車則同姓以金路異姓以象路四衛以革路蕃國以木路其賜諸侯之卿則無文釋例曰周官王之五路及卿大夫士服車各有名又有良車散車不在等者其用無常謂此上五路之良散當以出賜故言其用無常也傳通稱玉路金路為大路及賜魯穆叔鄭子蟠當是革路若木路所以封四衛及蕃國之君也而亦曰大路者據受王之殊錫皆舉其總名或云先或云次當各自以就數為差也杜言當是革路若木路者雖疑不敢質謂當是此二路也必疑然者以服車稱車不稱路王若賜之夏篆夏縵不應謂之為大路名之曰大路必在五路之中矣金路象路乃賜同姓異姓之

國君不可以賜其臣而傳稱列國之卿當小國之君固周制也位當小國之君則車亦可以同之故疑是草路若木路也草路木路路之卑者亦稱大路者以受王殊賜皆舉其總名也若受之於君或稱先或稱次杜云以就數為差者三命之卿就數三再命之卿就數二故鄭賜子展先路三命之服子產次路再命之服是也若其不然王賜叔孫穆子其車若是夏篆夏綬即與常車無異何故生弗敢乘及死乃請以葬也鄉飲酒禮者大夫之禮也工人卒歌主人獻工大師則為之洗鄭玄云大夫若君賜之樂謂之大師為之洗尊之也彼尊君賜樂謂工師為大師此尊王賜車謂王車為大路其意類於彼也何休膏肓以天子車稱大路諸侯車稱路車大夫稱車今鄭子蟠諸侯之大夫耳當與天子士同賜其車而名之曰大路非正也孔子曰唯器與名不可以假人名不正則言不順於義左氏為短案周禮天子衮冕上公亦稱衮冕

天子析羽為旌諸侯及大夫亦稱旌又天子樂官稱
大師鄉飲酒禮君賜樂亦稱大師此皆名同於上則
卿大夫之路何獨不可同之於天
子大路之名乎何休之難非也 ○秋八月齊崔杼

殺高厚於灑藍而兼其室注灑藍齊地音義

灑色買反徐所

綺反藍力甘反

書曰齊殺其大夫從君於昏也注傳解經不

言崔杼殺而為國討文○鄭子孔之為攻也專注專

權國人患之乃討西宮之難注十年尉止等作難西

宮子孔知而不言音義

難乃旦反注及下同

與純門之師注前

年子孔召楚師至純門子孔當罪以其甲及子革子

良氏之甲守注以自守也音義

守手又反
下守備同

甲辰子展

子西率國人伐之殺子孔而分其室書曰鄭殺其大

夫專也注亦以國討為文子然子孔宋子之子也注

子然子革父士子孔圭嬀之子也注宋子圭嬀皆鄭

穆公妾士子孔子良父音義

嬀居
危反

圭嬀之班亞宋子

而相親也注亞次也音義

亞於
嫁反

士子孔亦相親也僖

之四年子然卒注鄭僖四年魯襄六年簡之元年士

子孔卒注魯襄八年司徒孔實相子革子良之室注

司徒孔與二父相親故相助其子音義

相息亮反注同

三室

如一注言同心故及於難注故二子并及難子草子

良出奔楚子草為右尹注子草即鄭丹鄭人使子展

當國子西聽政立子產為卿注簡公猶幼故大夫當

國○齊慶封圍高唐弗克注夙沙衛以叛故圍之冬

十一月齊侯圍之見衛在城上號之乃下注衛下與

齊侯語音義

號徐胡報反召也一音戶刀反

問守備焉以無備告揖

之乃登注齊侯以衛告誠揖而禮之欲生之也衛志

於戰死故不順齊侯之揖而還登城疏

正義曰杜於此注皆用賈

逵之說服虔引彭仲博文齊欲誅衛呼而下與之言因可取之無為揖之復令登城仲博以為齊侯號衛衛慙而下云問守備焉問衛之守高唐者衛無恩信故令守者以無備告齊侯善其言故揖之乃命士卒登城服虔謂此說近之案傳之次第衛在城上號之乃下是衛下也問守備焉問衛也若其別問餘人當云問其守者不得云問守備也若齊侯揖之而命士卒登城則士於此時已登矣何故下文方曰殖綽工僂會夜縋納師也衛已下城齊侯不即執取者或有所隔礙不得取之漢末曹操與馬超對語徐晃與關羽對話皆讎敵交言而不聞師將傳食高唐人殖綽能相取亦何怪古之人乎

聞師將傳食高唐人殖綽

工僂會夜縋納師注因其會食二子齊大夫音義

傳音

附食音嗣僂力疏正義曰二子因其無備先住醢衛

于軍音義

醢音海

○城西郭懼齊也注前年與晉伐齊

又鑄其器為鐘故懼○齊及晉平盟于大隧注大隧

地闕音義

隧音遂

故穆叔會范宣子于柯注齊晉平魯

懼齊故為柯會以自固穆叔見叔向賦載馳之四章

注四章曰控于大邦誰因誰極控引也取其欲引大

國以自救助音義

控苦貢反

疏

注正義曰控于大邦乃是載馳五章而云四章者文

十三年鄭子家賦載馳之四章義取控于大邦意在五章而并賦四章彼注已云四章以下故於此略之

詩注云極至也今衛侯欲求援引之力助於大國叔之諸侯亦誰因乎由誰至乎閔之故欲歸問之叔

向曰肸敢不承命注叔向度齊未肯以盟服故許救

魯音義

度侍洛反

穆叔曰齊猶未也不可以不懼乃城武

城○衛石共子卒注石買音義

共音恭

悼子不哀注買

之子石惡孔成子曰是謂躒其本注躒猶拔也音義

躒求月反一音居

疏

正義曰躒者倒也樹倒必拔根故云躒猶拔也父是親之極孝

為德之本於父尚猶不哀必是不能愛人也已不愛人人亦不愛已己人皆不愛必將喪家知其不能保

有宗嗣也

必不有其宗注為二十八年石惡出奔傳

經二十年春王正月辛亥仲孫速會莒人盟于向注向

莒邑音義

向舒亮反

夏六月庚申公會晉侯齊侯宋公衛侯鄭伯曹伯莒子

邾子滕子薛伯杞伯小邾子盟于澶淵注澶淵在頓邱

縣南今名繁汙此衛地又近戚田音義

澶市然反汙音紆近附近之近

秋公至自會注無傳

仲孫速帥師伐邾

蔡殺其大夫公子燮注莊公子音義

燮息協反

蔡公子履出

奔楚注變母弟也

陳侯之弟黃出奔楚注稱弟明無罪也疏

正義曰傳言非其罪也則

無罪之文明矣而云稱弟明無罪者賈逵以為稱名罪其偏杜以鄭段有罪去弟以罪段今此存弟非是罪黃之文也言此以排賈氏也

叔老如齊

冬十月丙辰朔日有食之注無傳

季孫宿如宋

傳二十年春及莒平孟莊子會莒人盟于向督揚之

盟故也注莒數伐魯前年諸侯盟督揚以和解之故

二國自復共盟結其好音義

數所角反下同解古買反又戶買反復扶又反

下始復同好呼報反下皆同

○夏盟于澶淵齊成故也注齊與晉

平疏

正義曰於經服異則稱同盟此齊成而盟不言同者往年齊與晉平盟于大隧是齊已服於晉

矣非於此始服故不言同也晉以齊既平和而召諸侯以為此會傳解其為盟之意故云齊成也

○

邾人驟至以諸侯之事弗能報也注驟數也謂十五

年十七年伐魯秋孟莊子伐邾以報之注既盟而又

伐之非○蔡公子變欲以蔡之晉注背楚音義

背音佩

蔡人殺之公子履其母弟也故出奔楚注與兄同謀

故○陳慶虎慶寅畏公子黃之偏注二慶陳卿恐黃

偏奪其政音義

偏彼力反

愬諸楚曰與蔡司馬同謀注同

欲之晉楚人以為討注討責陳公子黃出奔楚注奔

楚自理初蔡文侯欲事晉曰先君與於踐土之盟注

先君文侯父莊侯甲午也踐土盟在僖二十八年音

義

與音預

晉不可棄且兄弟也畏楚不能行而卒注宣

十七年文侯卒楚人使蔡無常注徵發無準公子燮

求從先君以利蔡不能而死書曰蔡殺其大夫公子

變言不與民同欲也注罪其違衆陳侯之弟黃出奔

楚言非其罪也注稱弟罪陳侯及二慶疏

正義曰稱弟者止為

罪陳侯但陳侯之罪罪在信二慶故杜兼言二慶耳稱弟不為罪二慶也釋例曰兄而害弟者稱弟以章兄罪弟又害兄則去弟以罪弟身推此以觀其餘秦伯之弟鍼陳侯之弟黃皆是兄害其弟者也秦伯有千乘之國而不能容其母弟傳曰罪秦伯也歸罪秦伯則鍼罪輕也陳侯不能制禦臣下使逐其弟傳曰言非其罪也非黃之罪則公子黃將出奔呼於國曰罪在侯示互舉之文也

慶氏無道求專陳國暴蔑其君而去其親五年不滅

是無天也注為二十三年陳殺二慶傳音義

呼好故反去起

呂○齊子初聘于齊禮也注齊魯有怨朝聘禮絕今

始復通故曰初繼好息民故曰禮○冬季武子如宋

報向戌之聘也注向戌聘在十五年褚師段逆之以

受享注段共公子子石也逆以入國受享禮音義

褚張

呂反段徐徒亂反共音恭

賦常棣之七章以卒注武子賦也七章

以卒盡八章取其妻子好合如鼓瑟琴宜爾室家樂

爾妻帑言二國好合宜其室家相親如兄弟音義

大棣

計反樂音洛帑音奴

宋人重賄之歸復命公享之賦魚麗之卒

章注魚麗詩小雅卒章曰物其有矣維其時矣喻聘

宋得其時音義

麗力馳反

疏

正義曰魚麗詩小雅物其有矣者謂言魚有鱗鯨鮐鯉并

有旨酒也維其時矣者注云太平而後微物衆多取之有時用之有道則萬物莫不多也

公賦南

山有臺注南山有臺詩小雅取其樂只君子邦家之

基邦家之光喻武子奉使能為國光輝音義

只之氏反本亦

作音使所史反

武子去所曰臣不堪也注去所辟席○衛甯

惠子疾召悼子曰注悼子甯喜吾得罪於君悔而無

及也名藏在諸侯之策曰孫林父甯殖出其君君入

則掩之注掩惡名音義

策初草反出如字徐音黹

若能掩之則吾

子也若不能猶有鬼神吾有餒而已不來食矣注餒

餓也音義

餒奴罪反

悼子許諾惠子遂卒注為二十六年

衛侯歸傳

經二十有一年春王正月公如晉

邾庶其以漆閭邱來奔注二邑在高平南平陽縣東北

有漆鄉西北有顯閭亭以邑出為叛適魯而言來奔內

外之辭音義

漆本或作漆徐音七閭力於反

疏

正義曰杜解地邑自為其例言在者指知其處

言有者以示不審此言二邑在高平者知其在高平郡界耳又言有者並不審其處也釋例曰漆高平南平陽縣東北有漆鄉閭邱高平南平陽縣西北有顯閭亭是二邑知在高平而不審其地故言有也諸侯之臣入其私邑而以之出奔者皆書為叛衛孫林父宋華亥宋公之弟辰趙鞅荀寅等皆書為叛叛者背其本國之大辭也此及莒牟夷邾黑肱亦以邑叛本國但叛來歸魯據其至魯為文而言來奔內外之辭言俱是叛而辭異耳且傳謂庶其等為三叛人明其來是叛也

夏公至自晉注無傳

秋晉欒盈出奔楚注盈不能防閑其母以取奔亡稱名

罪之疏

正義曰宣十年齊崔氏出奔衛書其族也又八年宋司城來奔舉其官也又十四年宋子哀來

奔稱其字也皆為無罪不書其名則書名為罪之文據傳盈無大罪故辨之不能防閑其母以取奔亡稱其名罪之也不能防閑其母詩序文也周禮虎賁氏舍則守王閑又校人謂馬廐為閑則閑是欄衛禁防之名也禮之防失若彼閑然論語云大德不踰閑閑謂禮法言不能以禮法禁防母也

九月庚戌朔日有食之注無傳

冬十月庚辰朔日有食之注無傳

曹伯來朝

公會晉侯齊侯宋公衛侯鄭伯曹伯莒子邾子于商任

注商任地闕音義

仕音士

傳二十一年春公如晉拜師及取邾田也注謝十八年伐齊之師泲水之田○邾庶其以漆閭邱來奔注庶其邾大夫季武子以公姑姊妻之注計公年不得

有未嫁姑姑姊蓋寡者二人音義

公姑姊杜以公之姑及姊是二人也或曰

列女傳稱梁有節姑姑妹謂父之妹也此云姑姑姊是父之姊也一人耳以杜氏為誤案成二年楚侵及陽橋孟孫往賂以公衡為質杜云衡成公子也楚師及宋公衡逃歸臧宣叔云衡父不忍數年之不宴以棄魯國則公衡之年下計猶十七八成公是其父固當三十有餘矣成二年至此三十八歲姑又成公之姊則

年近七十矣假令公衡非成公之子猶是成公之弟
成九年伯姬歸于宋伯者長稱九年始嫁則為成公
之妹成公不得有姊矣若成公別有庶長之姊以成
公公衡之年推之亦不復堪嫁故知二人也唯公羊
以成公即位年幼據左氏成四年傳云公如晉晉侯
見公不敬公歸欲求成于楚得季文子諫而止此非
年幼也反覆推之杜氏疏正義曰杜以姑為父之女
不誤妻之七計反下同疏昆弟姊是己之女昆故計
公之年以為寡者二人劉炫云案十二年傳云無女
而有姊妹及姑姊妹則古人謂姑為姑姊妹也而知
此姑姊是襄公父之姊止一人耳不得云寡者二人
今知不然者以襄公成公之子成公即位二年已令
太子公衡為質於楚及宋逃歸則公衡年十五六矣
成公即位之初已三十有餘計至於今七十許歲其
姊雖存年極老矣安可以妻庶其
劉以為成公之姊而規杜氏非也皆有賜於其從者

於是魯多盜季孫謂臧武仲曰子盍詰盜注詰治也

音義

從才用反下同盍胡獵反下盍反同詰起吉反

疏正義曰鄭玄服虔皆以盍為何不也武

仲曰不可詰也紇又不能季孫曰我有四封而詰其盜何故不可子為司寇將盜是務去若之何不能武仲曰子召外盜而大禮焉何以止吾盜注吾謂國中

音義

去起呂反下皆同

子為正卿而來外盜使紇去之將何

以能廢其竊邑於邾以來子以姬氏妻之而與之邑注使食漆閭邱其從者皆有賜焉若大盜禮焉以君

之姑姊與其大邑其次阜牧輿馬注給其賤役從阜

至牧凡八等之人音義

阜在阜反凡八等之人謂阜輿隸僚僕臺圉牧也

疏

正義曰昭七年傳曰阜臣與與臣隸隸臣僚僚臣僕僕臣臺馬有圉牛有牧自阜至牧有八等也其次謂庶其從者魯給之以八等之人其小者衣裳劔帶是賞盜也賞而去

之其或難焉紃也聞之在上位者洒濯其心壹以待

人軌度其信可明徵也注徵驗也音義

洒西禮反濯直角反度侍

洛疏

正義曰謂使其臣信有軌則法度可明以為徵驗也劉炫云軌法也行依法度而言有信也

而後可以治人夫上之所為民之歸也上所不為而

民或為之是以加刑罰焉而莫敢不懲若上之所為而民亦為之乃其所也又可禁乎夏書曰念茲在茲注逸書也茲此也謂行此事當念使可施之於此音

義

不懲直
升反

釋茲在茲注釋除也謂欲有所治除於人

亦當顧已得無亦有之名言茲在茲注名此事言此

事亦皆當令可施於此音義

令力
呈反

允出茲在茲注允

信也信出於此則善亦在此惟帝念功注言帝念功則功成也將謂由已壹也信由已壹而後功可念也

注言非但意念而已當須信已誠至疏

正義曰念茲在茲謂念此

所行之事欲施於他得可施之在於此身然後行之
釋茲在茲釋除也謂有所除治於此人之上亦當前
在此身無有罪過然後除之名言茲在茲謂名此事
言此事亦皆當令可施於此猶若名此除盜言此除
盜已能除盜是除盜之事可施於此若已不能除盜
遣人除盜是不可施於此也允出茲在茲允信也謂
誠信之心出於此身則善亦誠在此身也信由已壹
謂信實由已專壹然後善功可念此斷章為義故與
尚書本文
稍殊也
庶其非卿也以地來雖賤必書重地也注

重地故書其人其人書則惡名彰以懲不義疏

正義曰公

羊穀梁皆以邪莒之徒小國不合有卿釋例曰公侯
伯子男及其卿大夫士命數周官具有等差當春秋

時漸已變改是以仲尼邱明據時之宜仍其行事從而然之不復與周官同而先儒考合周官禮記各致異端今詳推經傳國之大小皆據當時土地人民不復依爵故書秦楚之卿而略於滕薛也諸侯大夫之卿皆必有命固無所疑其總名亦曰大夫也故經傳卿大夫之文相涉晉殺三卿而經書大夫邢邱之會傳稱大夫亦皆卿也蜀之盟齊國之大夫溴梁之盟小邾之大夫此不命一命之大夫故不書也命者謂其君正爵命之於朝其官室車旗衣服禮儀各如其命數則皆以卿禮書之於經衛之於晉不得比次國則邾莒杞鄆之屬固以微矣此等諸國當時附隨大國不得列於會者甚衆及其得列上不能自通於天子下無暇於備禮成制故與於會盟戰伐甚多唯曹之公子首得見於經其餘或命而禮儀不備或未加命數故皆不書之也邾畀我之等其奔亡亦多所書唯數人而已知其合制者少也又邾庶其等傳皆言

非卿以地來雖賤必書紀裂繻來逆女傳曰卿為君
逆知此等微國亦應有卿有卿則應書於經徒以卑
陋制不合禮失禮之例杞降為夷華耦具官君子貴
之至於此等卿而不備禮亦所以見其略賤也諸儒
以為邾莒無命卿既自違傳劉賈又云春秋之序三
命以上乃書於經穎氏以為再命稱人傳曰叔孫昭
子三命踰父兄昭公十年昭子始加三命而先此叔
孫皆自見經知所書皆再命也是杜大明春秋書卿
名氏之例以邾莒自當有卿若有再命則書名氏其
不書於經皆為禮不備故庶其非卿謂非再命之卿
也

○齊侯使慶佐為大夫注慶佐崔杼黨復討公子
牙之黨執公子買于句瀆之邱公子鉏來奔叔孫還
奔燕注三子齊公族言莊公斥逐親戚以成崔慶之

勢終有弑殺之禍音義

復扶又反鉏仕居反還音旋殺之申志反又如字

○

夏楚子庚卒楚子使薳子馮為令尹訪於申叔豫注

叔豫叔時孫叔豫曰國多寵而主弱注弱政教微而

貴臣強國不可為也遂以疾辭方暑闕地下水而牀

焉重繭衣裘鮮食而寢注繭絲衣音義

闕求月反繭古典反禮記

云繭為繭衣裘於既反鮮息淺反少也下解過并注同

疏

正義曰玉藻曰繭為繭繆為袍鄭玄云衣

有著之異名也繭為今之新絲繆謂今繭及舊絮也然則繭是袍之別名謂新絲著袍故云絲衣也置冰

牀下使有寒氣其上加絲衣暑月多衣所以示疾

楚子使醫視之復曰瘠則

甚矣注瘠瘦也音義

瘠在亦反瘦所又反

而血氣未動注言無

疾乃使子南為令尹注子南公子追舒也為二十二

年殺追舒傳○樂桓子娶於范宣子生懷子注桓子

樂廩懷子盈也范鞅以其亡也怨樂氏注十四年樂

廩彊逐范鞅使奔秦音義

彊其大反

故與樂盈為公族大

夫而不相能桓子卒樂祁與其老州賔通注樂祁桓

子妻范宣子女盈之母范氏堯後祁姓音義

相能如字徐乃

代反幾亡室矣注言亂甚音義

幾其依反

懷子患之祁懼其

討也。愬諸宣子曰：「盈將為亂，以范氏為死桓主而專。」

政矣。注：桓主，欒黶疏。

正義曰：桓是黶之諡。大夫稱主，誣欒黶言盈以范氏為死桓主。

道范氏之意，以桓主已死其家喪。弱故陵侮欒氏而專晉國之政矣。曰：「吾父逐鞅，也不

怒，而以寵報之。注：謂宣子不為黶責怒鞅而反與鞅

寵位音義。

為于偽反。下文吾為同。

又與吾同官而專之。注：同為

公族大夫而鞅專其權勢。吾父死而益富死吾父而

專於國有死而已。吾蔑從之矣。注：言宣子專政，盈欲

以死作難音義。

難乃且反。

其謀如是，懼害於主，吾不敢不

言范鞅為之徵注證其有此懷子好施士多歸之宣

子畏其多士也信之懷子為下卿注下軍佐音義

呼好

報反施式岐反

宣子使城著而遂逐之注著晉邑在外易遂

音義

著直豫反又張慮反易以歧反

樂盈出奔楚宣子殺箕遺黃淵

嘉父司空靖邴豫董叔邴師申書羊舌虎叔罷注十

子皆晉大夫樂盈之黨也羊舌虎叔向弟音義

邴音丙罷

彼皮疏

正義曰如此傳文則樂盈出奔之後宣子始殺十子也晉語云平公六年箕遺及黃淵嘉

父作亂不克而死公乃問陽畢陽畢對曰掄逞志而虧君以亂國者之後而去之是遂威而遠權也樂氏

之誣晉國久矣樂書實履宗殺厲公以厚其家若滅
欒氏則民威矣公許諾盡逐羣賊而使祈午及陽畢
適曲沃逐欒盈如國語則先殺十子後逐欒盈與此
異者賈逵云十子皆欒盈之黨知范氏將害欒氏故
先為之作難討范氏不克而死然則欒盈城著十子
在國謀殺宣子不克宣子先殺之乃使適著逐欒盈
此傳先言欒盈後言其黨耳非是欒盈既奔之後殺
十子也此傳言城著而逐逐之則是就著逐欒盈國
語言適曲沃逐欒盈者曲沃是欒氏之采邑蓋就著
逐其身適曲沃逐其家也

囚伯華叔向

籍偃注籍偃上軍司馬人謂叔向曰子離於罪其為

不知乎注譏其受囚而不能去音義

知音智下及注同

叔向

曰與其死亡若何注言雖囚何若於死亡詩曰優哉

游哉聊以卒歲知也注詩小雅言君子優游於裒世

所以辟害卒其壽是亦知也音義

詩小雅案今小雅無此全句唯采菽

詩云優哉游哉亦是庚矣

疏

正義曰此小雅采菽之篇案彼詩云優哉游哉亦是庚矣與此不同者蓋

師讀

有異樂王鮒見叔向曰吾為子請叔向弗應出不拜

注樂王鮒晉大夫樂桓子音義

鮒音附應應對之應下注同一本作不應

其人皆咎叔向叔向曰必祁大夫注祁大夫祁奚也

食邑於祁因以為氏祁縣今屬太原音義

答其九反

室老

聞之曰樂王鮒言於君無不行注其言皆得行求赦

吾子吾子不許注謂不應出不拜祁大夫所不能也
注不能動君而曰必由之何也叔向曰樂王鮒從君
者也何能行祁大夫外舉不棄讎內舉不失親其獨
遺我乎詩曰有覺德行四國順之注詩大雅言德行
直則天下順之音義行下孟反注同夫子覺者也注覺較然
正直音義較音角晉侯問叔向之罪於樂王鮒對曰不
棄其親其有焉注言叔向篤親親必與叔虎同謀於
是祁奚老矣注老去公族大夫聞之乘駟而見宣子

曰詩曰惠我無疆子孫保之注詩周頌也言文武有

惠訓之德加於百姓故子孫保賴之音義

駟入實反傳也疆居

良反下注同

書曰聖有謨勲明徵定保注逸書謨謀也勲

功也言聖哲有謀功者當明定安之音義

謨莫胡反勲如字書

作疏

有覺至順之正義曰此詩大雅抑之篇○惠我至保之正義曰此詩周頌烈文之篇注逸書至

安之正義曰此引書曰夏書胥征之文也彼作聖有謨訓此云惠訓不倦勲本當作訓但杜以傳作聖有

謨勲故順傳文解之劉背傳文而規杜氏非也

夫謀而鮮過惠訓不倦者叔

向有焉注謀鮮過有謨勲也惠訓不倦惠我無疆也

社稷之固也猶將十世宥之以勸能者今壹不免其

身注壹以弟故音義

宥音又

以棄社稷不亦惑乎鯀殛

而禹興注言不以父罪廢其子音義

鯀古本反殛紀力反

疏正

曰尚書稱堯使鯀治水九載績用不成乃求得舜而徵用之歷試三年乃禪以位舜典美舜之功象以典刑之下始云流共工於幽州放驩兜于崇山竄三苗于三危殛鯀于羽山四罪而天下咸服孔安國云作者叙典刑而連引四罪明皆徵用所行於此總見之是言舜初被徵用先誅鯀而後舉禹故言鯀殛而禹興僖三十三年傳曰舜之罪也殛鯀其舉也興禹洪範云鯀則殛死禹乃嗣興皆言誅鯀而舉禹而鄭玄注尚書以為禹治水既畢乃流四凶言其先舉禹而後誅鯀既違經傳之文且復於理不當故王肅難云

禹治水而後以鯀為無功而殛之是為用人子之功而流放其父則為禹之勤勞適使父殛舜失五典克從之義禹陷三千莫大之罪進退無據迂亦甚哉

伊尹放太甲而相之卒無

怨色注太甲湯孫也荒淫失度伊尹放之桐宮三年

改悔而復之而無恨心言不以一怨妨大德音義

大音

泰相息

疏

正義曰太甲湯孫世本記文也書序云太甲既立不明伊尹放諸桐宮三年復歸于

亮反

毫思庸伊尹作太甲三篇是太甲能自改悔伊尹復之之事也

管蔡為戮周公右王

注言兄弟罪不相及音義

右王音又

若之何其以虎也棄

社稷子為善誰敢不勉多殺何為宣子說與之乘以

言諸公而免之注共載入見公音義

說音悅乘繩證反見公賢遍反

下文始見并注同

不見叔向而歸注言為國非私叔向也音

義

為于偽反下不為已亦為子皆同

叔向亦不告免焉而朝注不告

謝之明不為已初叔向之母妬叔虎之母美而不使

注不使見叔向父音義

妬丁故反

其子皆諫其母其母曰

深山大澤實生龍蛇注言非常之地多生非常之物

彼美余懼其生龍蛇以禍女女敝族也注敝衰壞也

龍蛇喻奇怪音義

女音汝下同

國多大寵注六卿專權不

仁人間之不亦難乎余何愛焉使往視寢生叔虎美而有勇力樂懷子嬖之故羊舌氏之族及於難樂盈

過於周周西鄙掠之注劫掠財物音義

間間側之間於難乃旦反

掠音亮

辭於行人注王行人也曰天子陪臣盈注諸侯

之臣稱於天子曰陪臣得罪於王之守臣注范宣子

為王所命故曰守臣音義

守手又反注同

將逃罪罪重於郊

甸注重得罪於郊甸謂為郊甸所侵掠也郭外曰郊

郊外曰甸音義

罪重直用反注同甸徒練反

無所伏竄敢布其死

注布陳也音義

竄七亂反

昔陪臣書能輸力於王室王施

惠焉注輸力謂輔相晉國以翼戴天子音義

相息亮反

其

子廩不能保任其父之勞大君若不棄書之力亡臣

猶有所逃注大君謂天王音義

任音士

疏

正義曰進言於王而稱大

君知大君謂天王也大君君之大者故以為天子易云大君有命亦謂天子也

若棄書之力

而思廩之罪臣戮餘也注罪戮之餘將歸死於尉氏

注尉氏討姦之官疏

正義曰歸死尉氏猶言歸死於司敗明尉氏主刑人故為討姦

之官周禮司寇之屬無尉氏之官蓋周室既衰官名易改於時有此官耳其司敗亦非周禮之官名也

不敢還矣敢布四體唯大君命焉注布四體言無所
隱王曰尤而效之其又甚焉注尤晉逐盈而自掠之

是效尤音義

效或作微
戶教反

使司徒禁掠樂氏者歸所取

焉使候出諸輶轅注候送迎賓客之官也輶轅關在

緱氏縣東南音義

輶音
袁

疏

正義曰周官司寇掌詰姦
惡刑暴亂當使司寇而此

云司徒者以司徒掌會萬民之卒伍以起徒役以此
追胥以此追寇盜是其所掌獲得罪人乃使司寇刑
之
耳○冬曹武公來朝始見也注即位三年始來見公

○會於商仕錮樂氏也注禁錮樂盈使諸侯不得受

音義

錮音固

齊侯衛侯不敬叔向曰二君者必不免會

朝禮之經也禮政之興也注政須禮而行政身之守

也注政存則身安怠禮失政失政不立是以亂也注

為二十五年齊弑光二十六年衛弑剽傳音義

弑中志反

下同剽正義曰經訓常也法也會以訓上下之則疏朝以正班爵之義是會朝為禮之常法也

政恃禮而行猶人須車以載禮是政之車與也禮運

云政者君之所以藏身也言政行於外身藏其中政

是身之所守也怠慢於禮則政無車無車則政不行
是失政也君既失政則身無所守失政則身不立是
其所以亂也
○知起中行喜州綽邢蒯出奔齊注四子晉

大夫音義

知音智行戶郎反蒯苦怪反

疏

正義曰國語陽畢對公許諾盡逐羣賊此謂

也

皆欒氏之黨也樂王鮒謂范宣子曰盍反州綽邢

蒯勇士也宣子曰彼欒氏之勇也余何獲焉注言不

為已用王鮒曰子為彼欒氏乃亦子之勇也注言子

待之如欒氏亦為子用也疏

正義曰子斥宣子也子能為彼欒氏待遇其人

如欒氏彼荷子之恩乃亦為子之勇矣

○齊莊公朝指殖綽郭最曰是

寡人之雄也州綽曰君以為雄誰敢不雄然臣不敏

平陰之役先二子鳴注十八年晉伐齊及平陰州綽

獲殖綽郭最故自比於雞鬪勝而先鳴音義

先二卷薦反

莊公為勇爵注設爵位以命勇士殖綽郭最欲與焉

注自以為勇音義

欲與音預下同

州綽曰東閭之役臣左驂

迫還於門中識其枚數注識門版數亦在十八年音

義

枚本亦作版

疏

正義曰十八年傳云以枚數闔枚謂馬過以馬枚數門扇之板彼時數得其數

則二枚不同今人數物猶云一枚二枚也

其可以與於此乎公曰子為晉

君也對曰臣為隸新注言但為僕隸尚新耳音義


子為

于偽反

然二子者譬於禽獸臣食其肉而寢處其皮矣

注言嘗射得之音義

射食
亦反



春秋左傳注疏卷三十四

春秋左氏傳注疏卷三十四考證

公至自伐齊○

臣召南

按賈逵謂圍齊而致伐以策伐

勲也於義為得孔疏辨之未當魯于是役倚晉成功
至作林鐘以銘勲其以伐告廟又何疑焉劉敞曰圍
而以伐致者以伐告也義甚明確

取邾田自漵水○蘇轍曰成二年取汶陽田不言齊魯
地也今取田于邾故書曰取邾田自漵水言非魯地
也

傳齊侯娶于魯曰顏懿姬注顏駸皆二姬母姓○臣召

南按姬即姓顏駸當是其氏族耳注謂皆二姬母姓

不知何所本也又仲子戎子注云皆宋女按晉獻公小戎子生夷吾則戎有姓子者不必宋女稱子也

傳晉侯請于王疏何休膏肓以天子車稱大路○監本訛作膏肓何休今改正

陳侯之弟黃出奔楚○陸淳曰稱弟者罪其兄也非兄之罪則曰公子

傳盟于澶淵齊成故也疏一段○監本誤在前文督揚之盟故也注下今改正

傳名藏在諸侯之策○趙汭曰言出君之罪無國不記然南面之君禍福自己故魯春秋但書君自出而臣之罪亦不可掩陳氏謂孔子筆削之非也

邾庶其以漆閭邱來奔○陸淳曰以地來奔即叛也又曰受叛臣非也故諱言叛以示譏也林堯叟曰於時公猶在晉季孫宿納之也

傳書曰聖有謬勲○

臣照

按古文尚書後出故杜皆注

為逸書既謂為逸書則左氏傳在其前不敢據後以改前杜氏之慎也但玩尚書文義作謬訓為是

傳得罪於王之守臣注范宣子為王所命故曰守臣○

顧炎武曰知錄曰守臣謂晉侯玉藻言諸侯之於天

子曰某土之守臣某是也杜注非

臣召南

按杜所以

言范宣子者以管仲語天子之二守國高在明見于

傳文也宣子之祖士會王以黻冕命將中軍義同國

高但顧炎武之說亦不可廢

傳將歸死於尉氏注尉氏討姦之官○

臣浩

按古以尉

掌刑罰漢書地理志陳留郡尉氏注應劭曰古獄官
曰尉氏亦其證也

春秋左氏傳注疏卷三十四考證

欽定四庫全書

經部

春秋左傳注疏卷三十五至
七

詳校官監察御史臣王爾烈

給事中臣溫常綬覆勘

覆校官中書臣汪日章

校對官中書臣馮培

謄錄舉人臣李敷文

謄錄監生臣顧昂

欽定四庫全書

春秋左傳注疏卷三十五

起襄公二十二年盡二十四年

晉杜氏注

唐陸德明音義

孔穎達疏

經二十有二年春王正月公至自會注無傳

夏四月

秋七月辛酉叔老卒注無傳子叔齊子

冬公會晉侯齊侯宋公衛侯鄭伯曹伯莒子邾子薛伯

杞伯小邾子于沙隨公至自會注無傳

楚殺其大夫公子追舒注書名者寵近小人貪而多馬

為國所患音義

近附近

傳二十二年春臧武仲如晉注公頻與晉侯外會念

各將罷還魯之守卿遣武仲為公謝不敏故不書音

義

守手又反偽反

疏

正義曰經書正月公至自會則武仲初發公仍未至傳言武仲如晉

正為

御叔傲使不論聘晉之意故杜原公之未歸而遣使使又不書於經知是魯之守臣使適晉也二十

六年

鄭伯朝晉而歸使公孫夏謝不敏知此亦是為公謝不敏非公命故不書也服虔云武仲非卿故不

書前

年傳武仲為司寇後年出雨過御叔在其邑將奔書於經此年不得云非卿也

飲酒注御叔魯御邑大夫音義

過古禾反御叔魚呂反又魚據反

曰

焉用聖人注武仲多知時人謂之聖音義

焉於虔反知音智又

如疏

正義曰周禮大司徒以鄉三物教萬民一曰六德知仁聖義中和鄭玄云聖通而先識也尚書

洪範云睿作聖者通識之名時人見其多知故以聖人言之非為武仲實是大聖也尚書稱惟狂克念作聖惟聖罔念作狂詩稱人之齊聖

皇父孔聖母氏聖善皆非大聖也我將飲酒而已雨

行何以聖為穆叔聞之曰不可使也而傲使人注言

御叔不任使四方音義

傲五報反使所吏反注同任音壬

國之蠹也

令倍其賦注古者家其國邑故以重賦為罰傳言穆

叔能用教音義

故反疏正義曰周禮大司徒云凡建

食者半諸侯之地方四百里諸伯之地方三百里其

食者三之一諸子之地方二百里諸男之地方百里其

均均邦國地貢輕重之等必足其國禮俗喪紀祭祀

之用乃貢其餘大國貢重正之也小國貢輕字之也

此是諸侯之國貢王之差也司勳職云凡頒賞地三

之一食鄭玄云賞地之稅三分計稅王食其一二全

入於臣此采邑貢王之數也然則諸侯之臣受其采

邑者亦當三分之一而歸於公故云古者家其國邑

言以國邑為已之家有貢於公者是減已而貢之故

以重賦為罰言重倍其賦

當以三分而二入公也

○夏晉人徵朝于鄭注召

鄭使朝鄭人使少正公孫僑對曰注少正鄭卿官也

公孫僑子產音義

少詩照反注及下疏正義曰十九

產為卿知少正是鄭之卿官名也春秋之時官名變改周禮無此名也

春在晉先君悼公

九年我寡君於是即位注魯襄八年即位八月注即

位年之八月而我先大夫子駟從寡君以朝于執事

執事不禮於寡君注言朝執事謙不敢斥晉侯寡君

懼因是行也我二年六月朝于楚注因朝晉不見禮

生朝楚心晉是以有戲之役注在九年音義戲許宜反楚

人猶競而申禮於敝邑注敝邑欲從執事而懼為大尤

曰晉其謂我不共有禮是以不敢攜貳於楚我四年

三月先大夫子矯又從寡君以觀釁於楚注實朝言

觀釁飾辭也言欲往視楚知可去否音義

共音恭下共祀同釁

許靳反

晉於是乎有蕭魚之役注在十一年謂我敝邑

邇在晉國譬諸草木吾臭味也注晉鄭同姓故而何

敢差池注差池不齊一音義

差初宜反又初佳反一音七何反注同池徐夔

作沲直知反一音徒何反注同

楚亦不競寡君盡其土實注土地所

有重之以宗器注宗廟禮樂之器鐘磬之屬音義

重直

反用以受齊盟注齊同也遂帥羣臣隨于執事以會歲

終注朝正疏

正義曰言以會歲終則歲事終以至正月朝正也朝正二十九年傳文也

貳

於楚者子侯石孟歸而討之注石孟石與音義

孟音于與

勅略反

溴梁之明年注溴梁在十六年子蟜老矣公孫

夏從寡君以朝于君見於嘗酎注酒之新熟重者為

酎嘗新飲酒為嘗酎音義

夏戶雅反下同見賢遍反又如字酎直又反

疏

正義曰月令孟夏天子飲酎用禮樂鄭玄云酎之言醇也謂重釀之酒也春酒至此始成與羣臣以禮樂飲之於朝正尊卑也彼言飲酎當是夏祭之後此言嘗酎謂見於夏祭故云與執膳焉謂祭末受胾肉也

與執燔焉注助祭音義

與音預燔又作燔音煩祭肉也

間二年聞君

將靖東夏注謂二十年澶淵盟音義

間間廁之間又如字

四月

又朝以聽事期注先澶淵二月往朝以聽會期音義

先悉薦反

不朝之間無歲不聘無役不從以大國政令之

無常國家罷病不虞荐至注荐仍也音義

罷音皮荐在薦反

無日不惕豈敢忘職注惕懼也音義

惕他歷反

大國若安

定之其朝夕在庭何辱命焉注言自將往不須來召

音義

朝如字

若不恤其患而以為口實注口實但有其

言而已疏

正義曰但有微責之言實出於口也服虔云實謂謹讓也

其無乃不堪

任命而翦爲仇讎注翦削也謂見剝削不堪命則成

仇讎敝邑是懼其敢忘君命委諸執事執事實重圖

之注傳言子產有辭所以免大國之討○秋欒盈自

楚適齊晏平仲言於齊侯曰商任之會受命於晉注

受錮欒氏之命今納欒氏將安用之小所以事大信

也失信不立君其圖之弗聽退告陳文子曰君人執

信臣人執共忠信篤敬上下同之天之道也君自棄

也弗能久矣注為二十五年齊弑其君光傳○九月

鄭公孫黑肱有疾歸邑于公注黑肱子張音義

肱古弘反

召室老宗人立段注段子石黑肱子而使黜官薄祭

注黜官無多受職祭以特羊殷以少牢注四時祀以

一羊三年盛祭以羊豕殷盛也疏

正義曰少牢饋食禮者諸侯之大夫

時祭之禮也是時祭用少牢今公孫黑肱使黜官薄祭故時祭用特羊殷祭乃少牢諸侯之大夫止用少

牢而禮器云君子大牢而祭謂之禮匹士大牢而祭謂之饗鄭玄云君子謂大夫以上是大夫之祭有用

大牢時也又雜記云上大夫之虞也少牢卒哭成事祔皆大牢據此二文大夫得用大牢者禮器之文據

天子大夫故也雜記據喪祭進用一等士喪禮士遣奠用少牢是也大夫無禘祫而云殷三年祭者禮記言大夫有善於君祫及五世是大夫有功或得禘祫也劉炫云禮器云君子大牢而祭謂之禮匹士大牢而祭謂之攘鄭玄云君子謂大夫以上是大夫祭有用大牢時也雜記云大夫之虞也皆少牢卒哭與祔皆大牢喪祭有大牢明吉祭亦有也此言特羊必是時祭殷以少牢明是三年一為大祭猶天子諸侯禘也禮大夫時祭少牢大祭大牢今黑肱全減之謙也足以共祀盡歸其餘邑曰

吾聞之生於亂世貴而能貧民無求焉可以後亡敬共事君與二三子生在敬戒不在富也已巳伯張卒君子曰善戒詩曰慎爾侯度用戒不虞鄭子張其有

焉注詩大雅侯維也義取慎法度戒未然音義

盡歸津忍

反凡此例可疏

正義曰詩大雅抑之篇侯維也言謹求故特音之疏慎爾身唯在依法度用此以戒不憶

度之事鄭子張其有此詩之義焉言生在此戒是慎法度也責而能貧是戒不虞也

○冬會于

沙隨復錮欒氏也注晉知欒盈在齊故復錮也音義

復扶又反注同下復使下注復生不復行皆同

欒盈猶在齊晏子曰禍將作

矣齊將伐晉不可以不懼注為明年齊伐晉傳○楚

觀起有寵於令尹子南未益祿而有馬數十乘注言

子南偏寵觀起令富音義

數所主反乘繩證反令力呈反

楚人患之

王將討焉子南之子棄疾為王御士注御王車者王

每見之必泣棄疾曰君三泣臣矣敢問誰之罪也王

曰令尹之不能爾所知也國將討焉爾其居乎注問

能止事我否對曰父戮子居君焉用之洩命重刑臣

亦不為注漏泄君命罪之重音義馬於虔反下焉入

反制王遂殺子南於朝轅觀起於四竟注轅車裂以狗

音義轅音患竟音境下同子南之臣謂棄疾請徙子尸於朝注

欲犯命取殯音義殯必刃反曰君臣有禮唯二三子注不

欲犯命移尸三日棄疾請尸王許之既葬其徒曰行

乎注行去也曰吾與殺吾父行將焉入曰然則臣王

乎曰棄父事讎吾弗忍也注於事是讎於實是君故

雖謂讎而不敢報音義

與音預殺如字一音試

遂縊而死姓傳

譏康王與人子謀其父失君臣之義音義

縊一賜反

復使

遠子馮為令尹公子齟為司馬屈建為莫敖注屈建

子木也音義

齟五綺反屈居忽反

有寵於遠子者八人皆無祿

而多馬他日朝與申叔豫言弗應而退從之入於人

中注申叔辟遠子不欲與語音義

應應對之應

又從之遂

歸退朝見之注遠子就申叔家見之曰子三困我於

朝吾懼不敢不見吾過子姑告我何疾我也對曰吾不免是懼何敢告子注言恐與子并罪故不敢與子

語音義

不見賢
遍反

曰何故對曰昔觀起有寵於子南子

南得罪觀起車裂何故不懼自御而歸不能當道注
遠子惶懼意不在御至謂八人者曰吾見申叔夫子
所謂生死而肉骨也注已死復生白骨更肉知我者

如夫子則可注夫子謂申叔也如夫子謂以義匡已不然請止注止不相知辭八人者而後王安之注辭

遣之○十二月鄭游販將如晉注游販公孫蠆子音

義販呼反

未出竟遭逆妻者奪之以館于邑注舍止其

邑不復行丁巳其夫攻子明殺之以其妻行注十二

月無丁巳丁巳十一月十四日也子展廢良而立大

叔注良游販子大叔販弟音義

大音泰

曰國卿君之貳

也民之主也不可以苟請舍子明之類注子明有罪

而良又不賢故音義

捨音

求亡妻者使復其所使游

氏勿怨注鄭國不討專殺之人所以抑強扶弱臨時

之宜曰無昭惡也注交怨則父之不脩益明也疏

正義

曰若游氏報殺此人則人知其父被殺其父所以見殺為奪人妻故也報殺則人知其父是父之行不修

益明也

經二十有三年春王二月癸酉朔日有食之注無傳

三月己巳杞伯勾卒注五同盟音義

勾占疏正義曰勾害反疏以七年即

位九年盟于戲十一年于毫城北十六年于溴梁十九年于祝柯二十年于澶淵皆魯杞俱在是五同盟

夏邾畀我來奔注無傳畀我是庶其之黨同有竊邑叛

君之罪來奔故書音義

畀必疏正義曰杜從賈說以為利反疏庶其之黨同有竊邑叛

君之罪劉炫規過云杜此注云庶其之黨庶其奔魯三年若是其黨邾人即應討之何因至今始奔庶其以邑奔魯魯人還以賜之卿或命而禮儀不備或未加命數焉釋例又曰小國之卿或命而禮儀不備或未加命數故不書之邾畀我之等其奔亡亦多所書唯數人而已知其合制者少也如彼所說又以畀我是卿何為兩說自相矛盾乎炫以為釋例是集解非今刪定知不然者原杜之意以二十一年邾庶其竊邑來奔去此既近邾更無事今畀我來奔必是庶其之黨同有竊邑叛君之罪春秋之例命卿有罪出奔皆書名畀我書名罪其與庶其同黨非謂畀我非命卿與釋例不違劉不曉杜旨妄為規非也

葬杞孝公注無傳

陳殺其大夫慶虎及慶寅注書名皆罪其專國叛君言

及史異辭無義例疏

正義曰被殺書名是罪之文故以專國叛君為二慶罪狀成十八年

晉殺其大夫卻錡卻犢卻至哀四年蔡殺其大夫公孫姓公孫霍皆不言及文九年晉殺其大夫士穀及箕鄭父與此並言及傳無其說知是史異辭無義例也

陳侯之弟黃自楚歸于陳注諸侯納之曰歸黃至楚自理得直故為楚所納

晉欒盈復入于晉注以惡入曰復入音義

復扶又入于反注同

曲沃注兵敗奔曲沃據曲沃衆還與君爭非欲出附他

國故不言叛音義

還戶關反爭疏正義曰案傳樂盈潛

都及敗又入于曲沃潛入之時晉人不覺及敗後更入
晉人以其狀告故先書復入于晉後言入于曲沃謂其
後入故云兵敗奔曲沃也不言叛者叛謂以邑叛屬他
國樂盈既入曲沃據曲沃之衆與君戰爭兵敗而死終
亦不附他國故不言叛也然則昭二十一年宋華亥入
于宋南里以叛定十一年宋公之弟辰入于蕭以叛十
三年晉趙鞅入于晉陽以叛荀寅入于朝歌以叛皆非
叛屬他國而竝書叛者彼皆與國相距不勝而即出奔
得歸乃言復國皆有叛屬他國之意故本國皆以叛告
此樂盈與君爭勝不勝即死未有叛屬他國之意故晉
人不以
叛告也

秋齊侯伐衛遂伐晉注兩事故言遂疏

正義曰遂者因上事生下事之

辭是兩事故曰遂僖二十八年晉侯侵曹晉侯伐衛亦是一舉而為兩事不言遂者於彼注云再舉晉侯者曹衛兩來告然則此言遂者齊人來告以齊告為文故乃言遂也

八月叔孫豹帥師救晉次于雍榆注豹救晉待命于雍

榆故書次雍榆晉地汲郡朝歌縣東有雍城音義

雍於用反

朝如字

己卯仲孫速卒注孟莊子也

冬十月乙亥臧孫紇出奔邾注書名者阿順季氏為之

廢長立少以取奔亡罪之音義

為于偽反長丁疏正義

名是罪之文案傳統為孟氏所譜其奔非統之罪故杜以阿順季氏廢長立少為統之罪狀也

晉人殺欒盈

齊侯襲莒注輕行掩其不備曰襲因伐晉還襲莒不言

遂者間有事音義

輕遣政反疏凡正義曰莊二十九年傳例曰

曰襲是輕者舍其輜重倍道輕行掩其不備曰襲傳言齊侯還自晉不入遂襲莒經不言遂者間有他事故也

若然僖六年夏公會齊侯云云伐鄭秋楚人圍許諸侯遂救許二十八年公會晉侯云云于溫天王狩于河陽

云云諸侯遂圍許彼亦間有他事而言遂者兩事言遂取其省又彼二者公皆親在事不待告故遠承上事總

言諸侯遂行此書齊事雖告稱遂行襲莒亦不可書遂為間有數事與前文隔絕故也

傳二十三年春杞孝公卒晉悼夫人喪之注悼夫人

晉平公母杞孝公姊妹音義

喪如字徐息浪反

平公不徹樂

非禮也注徹去也音義

呂去起反

禮為鄰國關注禮諸侯

絕期故以鄰國責之音義

為于偽反下注為召下疏而為並同期居其反

正義曰杞孝公晉平公之舅也尊同則相為不降平公於禮為舅當服總麻三月但總服既輕其恩不過鄰國故傳言禮為鄰國闕也杜言諸侯絕期者據禮之正法言諸侯尊降其親雖有本服期者亦當為之闕故以鄰國責之禮父在為母服期喪絕旁期非母也

○陳侯如楚注朝也公

子黃愬二慶於楚楚人召之注二慶虎及寅也二十

年二慶譖黃黃奔楚自理今陳侯往楚乃信黃為召

二慶音義

愬息路反

使慶樂往殺之注慶樂二慶之族二

慶畏誅故不敢自往音義

使慶樂往絕句

慶氏以陳叛注因

陳侯在楚而叛之不書叛不以告夏屈建從陳侯圍

陳陳人城注治城以距君屈建楚莫敖音義

從才用反又如

字板隊而殺人役人相命各殺其長注慶氏忿其板

隊遂殺築人故役人怒而作亂音義

隊直類反注遂同長丁丈反

殺慶虎慶寅楚人納公子黃君子謂慶氏不義不可

肆也注肆放也故書曰惟命不于常注周書康誥言

有義則存無義則亡疏正義曰杜言慶氏以陳叛叛

言其意不為經也君子自論慶氏之罪所為不義不

可放肆以為宜其誅滅故引尚書康誥言天命之不

于常有義則存無義則亡慶氏族有二卿為不義之

故而竝喪亡故君子論其事傷之也服虔以為傳之

此言為不書慶氏以陳叛為楚所圍稱國以殺不成

惡人肆其志也服虔見元年圍宋彭城追書繫宋不

登叛人謂此亦宜然故為此解然叛是大罪若書為

叛其惡益明何當匿其罪名謂之不可肆也若慶氏

不可放肆故不書其叛則林父華亥趙鞅荀寅之徒

豈皆可使放肆而書其叛乎且傳文不言書經之意

知其不為經也故杜以
為叛不告故不書耳

○晉將嫁女于吳齊侯使析

歸父媵之以藩載欒盈及其士注藩車之有障蔽者

使若媵妾在其中音義

析星曆反媵以證反又繩證
反藩方元反注同障之亮反

又音疏

正義曰晉將嫁女為吳之夫人齊以女為媵
使析歸父送媵女於晉令與適俱行也禮媵

同姓適異姓今晉嫁女於同姓齊以異姓為媵者非
禮也傳不言非禮者但傳本主說欒盈不言事之可

否
納諸曲沃注欒盈邑也欒盈夜見胥午而告之注

胥午守曲沃大夫對曰不可天之所廢誰能興之子

必不免吾非愛死也知不集也注集成也音義

知音
智又

如盈曰雖然因子而死吾無悔矣我實不天子無咎

焉注言我雖不為天所祐子無天咎故可因音義

咎其

九反祐音又

許諾伏之而觴曲沃人注胥午匿盈而飲其

衆音義

觴式羊反匿女力反飲於鵠反

樂作午言曰今也得樂孺子

何如注孺子樂盈對曰得主而爲之死猶不死也皆

歎有泣者爵行又言皆曰得主何貳之有盈出徧拜

之注謝衆之思已四月樂盈帥曲沃之甲因魏獻子

以晝入絳注獻子魏舒絳晉國都初樂盈佐魏莊子

於下軍注莊子魏絳獻子之父獻子私焉故因之注

私相親愛趙氏以原屏之難怨欒氏注成八年莊姬

譖之欒卻為徵音義

屏薄輕反
難乃旦反

韓趙方睦注韓起讓

趙武故和睦中行氏以伐秦之役怨欒氏注十四年

晉伐秦欒黶違荀偃命曰余馬首欲東而固與范氏

和親注范宣子佐中行偃於中軍知悼子少而聽於

中行氏注悼子知瑩之子荀盈也少年十七知氏中

行氏同祖故相聽從音義

知音智少詩
照反注同

疏

正義曰十
三年傳云

荀瑩卒十四年傳言盈生六年而武子卒是其少也
知悼子荀首之孫中行吳荀林父之曾孫首是林父
之弟首為知氏林父為中行氏是同祖也悼子是荀
吳二從叔父故相聽從計悼子年十六不得為十七
是故沈氏云後人傳寫誤

劉氏以此而規杜氏非也程鄭嬖於公注鄭亦荀氏

宗音義

嬖必疏正義曰鄭雖非卿亦是強族
計反疏言嬖於公見其不助樂氏

唯魏氏

及七輿大夫與之注七輿官名音義

餘輿音

疏

正義曰
僖十年

傳言七輿大夫杜云侯伯七命副車七乘謂副車每
車有一大夫主之則此七輿大夫杜亦為主副車之
官也劉炫云若是主公車則當情親於公不應
曲附樂氏服虔云下軍輿帥七人炫謂服言是樂王
鮒侍坐於范宣子或告曰樂氏至矣宣子懼桓子曰

奉君以走固宮必無害也注桓子樂王鮒音義

鮒音附坐

如字一音十臥反走如字一音奏

且樂氏多怨子爲政樂氏自外子

在位其利多矣既有利權又執民柄注賞罰爲民柄

音義

柄彼疏正義曰樂氏多怨言易克既有爲利之命反疏權又執民之八柄也注正義曰周禮太

宰以八柄詔王取羣臣一曰爵二曰祿三曰予四曰置五曰生六曰奪七曰廢八曰誅此八者爵祿予置

生是賞也奪廢誅是罰也賞罰二事分爲八名此時臨與敵戰惟賞罰而已故以賞罰言之鄭玄云柄所

秉執以起事者也然則柄以器物爲喻若用斧之執其柄也

將何懼焉樂氏所得

其唯魏氏乎而可強取也夫克亂在權子無懈矣公

有姻喪注夫人有杞喪音義

强其丈反下注强疏正取同懈徒賣反

曰隱元年傳說葬之節云士踰月外姻至則姻是外親之總名杞孝公卒夫人有兄弟之服是有杞喪也傳言公有姻喪注言夫人有杞喪者下文樂王鮒使宣子墨繚冒經詐為夫人故也案經葬杞孝公之下始書樂盈復入于晉則樂盈之入在孝公葬後杜解諸侯既葬除服而夫人猶有服者葬杞孝公書魯史去之曰樂盈入晉當在葬杞孝公之前故夫人猶有服故得詐為之也

王鮒使宣子墨

繚冒經注晉自殺戰還遂常墨繚音義

繚七雷反本又作衰音同

冒莫報反經直結反冒經以經冒疏正義曰夫人為其首也一云繚冒經三者皆墨之疏其兄弟當大功喪服大功布衰裳牡麻經冒經者言以經冒其首也樂王鮒使宣子詐為夫人孝服也

二婦人

輦以如公注恐欒氏有內應距之故爲婦人服而入

奉公以如固宮注固宮宮之有臺觀備守者音義觀古

喚反守疏正義曰晉語云范宣子以公入于襄公范
手又反疏之宮蓋襄公有別宮牢固故謂之固宮范

鞅逆魏舒注用王鮒計欲強取之則成列旣乘將逆

欒氏矣趨進曰欒氏帥賊以入鞅之父與二三子在

君所矣注二三子諸大夫音義乘繩證反下驂使鞅

逆吾子鞅請驂乘持帶注驂乘必持帶備隋隊音義

隋待果反遂超乘注跳上獻子車音義跳他剛反右
隊直類反

撫劍左援帶注切之音義

援音表

命驅之出僕請注請

所至鞅曰之公宣子逆諸階注逆獻子也執其手賂

之以曲沃注恐不與已同心初斐豹隸也著於丹書

注蓋犯罪沒為官奴以丹書其罪音義

斐音非一音芳匪反疏

正義曰周禮司厲職云其奴男子入于罪隸女子入于舂橐鄭玄云奴從坐而沒入縣官者男女同名杜

用鄭說以無正文故云蓋以斐豹請焚丹書知以丹書其籍近世魏律緣坐配沒為工樂雜戶者皆用赤

紙為籍其卷以鉛為軸此亦古人丹書之遺法欒氏之力臣曰督我國人懼

之斐豹謂宣子曰苟焚丹書我殺督戎宣子喜曰而

殺之所不請於君焚丹書者有如日注言不負要盟

如日音義

督丁
盡反

乃出豹而閉之注閉著門外音義

涉著

畧

督戎從之踰隱而待之注隱短牆也督戎踰入豹

自後擊而殺之范氏之徒在臺後注公臺之後欒氏

乘公門注乘登也宣子謂鞅曰矢及君屋死之鞅用

劍以帥卒注用短劍兵接敵欲致死音義

卒子
忍反

欒氏

退攝車從之注鞅攝宣子戎車遇欒樂注欒盈之族

曰樂免之死將訟女於天注言雖死猶不舍女罪音

義

女音汝注同

樂射之不中又注注注屬矢於弦也音義

射食亦反中丁仲反注則乘槐本而覆注樂樂車櫟

槐而覆音義

槐音懷覆芳服反注同櫟音歷

或以戟鉤之斷肘而死

樂魴傷樂盈奔曲沃晉人圍之注魴樂氏族音義

斷音

短肘張

疏正義曰服虔云魴盈之子俱無文也計樂

九反

疏

盈宣子之外孫胥午謂為孺子未得有子

已堪戰十九年樂魴已帥師伐齊必非樂盈子故杜

以為樂氏族世族譜樂魴為樂氏族以樂樂為雜人

不知杜意何故也

○秋齊侯伐衛先驅穀榮御王孫揮召揚

為右注先驅前鋒軍音義

揮許韋反召上照反

申驅成秩御莒

恒申鮮虞之傳摯爲右注申驅次前軍傳摯申鮮虞

之子音義

鮮音仙之傳摯音至本疏正義曰俗本多或作申鮮虞之子傳摯云申鮮虞之子

今案注云傳摯申鮮虞之子若傳先有子字無煩此注故今定本皆無

曹開御戎晏父

戎爲右注公御右也音義

晏父音甫

貳廣上之登御邢公

盧蒲癸爲右注貳廣公副車音義

廣古曠反注同邢音刑

啓牢

成御襄罷師狼蘧疏爲右注左翼曰啓音義

牢魯刀反一本

作罕成罷音皮徐音彼一音皮賈反狼音郎蘧其居反

疏正義曰左翼曰啓右翼曰肱賈逵以爲此

言或當有成文也且此傳上下先驅申驅是前軍也
大殿是後軍也明啓肱是在旁之軍說文云肱掖下

也肱是在旁明矣凡言左右以左為先知啓是左也
名之曰啓或使之先行詩云以先啓行服虔引司馬
法謀帥篇曰大前驅啓乘車大晨倅車屬焉大
晨大殿也音相似如服言古人有名軍為啓者

肱商

子車御侯朝桓跳為右注右翼曰肱音義

肱起居反徐又音脅

或起業反朝如字一音直遙反跳徒彫反

大殿商子游御夏之御寇崔如

為右注大殿後軍音義

殿都練反注同夏戶惟反御魚呂反

燭庸之越

駟乘注四人共乘殿車也傳具載此言莊公廢舊臣

任武力音義

駟乘繩證反

自衛將遂伐晉晏平仲曰君恃

勇力以伐盟主若不濟國之福也不德而有功憂必

及君崔杼諫曰不可臣聞之小國間大國之敗而毀
焉必受其咎君其圖之弗聽陳文子見崔武子注文

子陳完之孫須無武子崔杼也音義

間間廁之間又
如字咎其九反

曰將如君何武子曰吾言於君君弗聽也以爲盟主

而利其難羣臣若急君於何有注言有急不能顧君

欲弑之以說晉音義

難乃旦反弑申志反下
同說音悅一音如字

子姑止

之文子退告其人曰崔子將死乎謂君甚而又過之

注弑君之惡過於背盟主音義

背音
佩

不得其死過君

以義猶自抑也况以惡乎注自抑損齊侯遂伐晉取

朝歌注朝歌今屬汲郡為二隊入孟門登太行注二

隊分兵為二部孟門晉隘道太行山在河內郡北音

義隊徒對反徐徒猥反大音泰行張武軍於熒庭注

張武軍謂築壘壁熒庭晉地音義熒戶扁反庭音廷

反壁亦作疏正義曰宣十二年傳稱楚既戰勝潘黨

辟音壁請築武軍昭十三年傳子于帥陳蔡之

師入楚陳蔡請為武軍蔡公曰欲速且役病矣請藩

而已乃藩為軍以此知武軍謂築壘壁也張謂張設

築作之具服虔也戊郅注取晉邑而守之音義郅婢

云張設旗鼓也支反

封少水注封晉尸於少水以為京觀音義

少詩照反地名下注

孟氏之少立少以報平陰之役乃還注平陰役在十

同觀宮喚反

八年趙勝帥東陽之師以追之獲晏釐注趙勝趙旃

之子東陽晉之山東魏郡廣平以北晏釐齊大夫音

義

勝音升一音中證反
釐力之反徐音來

疏

正義曰昭二十二年傳曰
荀吳略東陽遂襲鼓滅之

鼓在鉅鹿居山之東山東曰朝陽知東陽是寬大之
語總謂晉之山東故為魏郡廣平以北二年齊晏弱
城東陽以偏萊哀八年吳伐魯克東陽而晉齊魯皆
有東陽名同而實異服虔以東陽為魯邑繆之甚矣

東陽之師謂下文
叔孫豹所帥者也

八月叔孫豹帥師救晉次于雍榆

禮也注救盟主故曰禮疏

正義曰公羊傳曰曷為先言救而後言次先通君命

也僖元年齊師宋師曹師次于聶北救邢公羊傳曰曷為先言次而後言救君也其意言君則進止自由故先次後救臣則先通君命故先救後次賈氏取以為說謂此傳云禮者言其先救後次為得禮也釋例曰所記或次在事前次以成事也或次在事後事成而次也皆隨事實無義例也叔孫豹次于雍榆傳曰禮者善其宗助盟主非以次為禮也齊桓次于聶北救邢亦存邢具其器用師人無私見善不在次也杜以此故言救盟主故曰

○季武子無適子公彌長而禮所以明異舊說也

愛悼子欲立之注公彌公鉏悼子紇也音義

適丁歷反長丁

丈反下皆同鉏仕居反紇恨發反

訪於申豐曰彌與紇吾皆愛之欲

擇才焉而立之申豐趨退歸盡室將行注申豐季氏

屬大夫他日又訪焉對曰其然將具敝車而行注其

然猶必爾音義

敬婢世反徐扶滅反

乃止注止不立紇訪於臧

紇臧紇曰飲我酒吾為子立之季氏飲大夫酒臧紇

為客注為上賓音義

飲於鵠反下皆同吾為于偽反下注為定為公鉏同

既獻

注已獻酒臧孫命北面重席新樽絜之注酒樽既新

復絜澡之音義

重直恭反樽音尊本亦作尊復扶又反下非復下文復戰同澡音早

召

悼子降逆之大夫皆起注臧孫下迎悼子及旅而召

公鉏注獻酬禮畢通行為旅疏

正義曰案鄉飲酒禮主人席於阼階上西

面賓席於堂戶西南面介席於西階上東面衆賓席於上賓之西南面初賓介及衆賓至立於門外東面主人出迎于門外西面主人延賓入及介衆賓等立於西階下主人揖賓升主人酌酒於阼階上拜獻賓賓西階上拜受飲卒爵酌酒以酢主人主人酢階上飲卒爵又酌酒先自飲以酬賓賓拜受酬酒奠于薦東賓降主人又酌酒於西階上獻介介於西階上受爵飲卒爵酌以酢主人主人於西階上受爵飲卒爵介降主人又酌酒於西階上獻衆賓衆賓飲訖降引樂工人歌詩主人獻樂工又飲笙人立於堂下主人獻笙師訖主人及賓介衆賓等皆升就席乃立相者為司正使弟子一人舉觶於賓賓酬主人主人酬介介酬衆賓是為旅也杜言獻酬禮畢者謂獻酬賓介及衆賓禮畢也言通行為旅者謂一人舉觶於賓旅

衆相酬通至於下案鄉飲酒禮未旅以前賓介皆立此傳云大夫皆起則季氏飲大夫酒未必純如鄉飲酒禮則獻酬事訖大夫皆坐然則既獻召悼子者謂獻臧紇及大夫訖而召悼子至旅酬之時而召公鉏

使與之齒注使從庶子之禮列在悼子之下季孫夷

色注恐公鉏不從季氏以公鉏為馬正注馬正家司

馬愠而不出閔子馬見之注閔子馬閔馬父音義愠紆

運反怨也怒也曰子無然禍福無門唯人所召為人子者患

不孝不患無所注所位處音義處昌慮反敬共父命何常

之有注言廢置在父無常位也若能孝敬富倍季氏

可也注父寵之則可富姦回不軌禍倍下民可也注

禍甚於貧賤疏

正義曰悼子既為適子將承季氏之後故謂悼子為季氏下言為孟孫其

意亦然富倍季氏言可過悼子也姦回不軌更獲罪戾非徒貧賤而已是為倍下民故杜云禍甚於貧賤

也公鉏然之敬共朝夕恪居官次注次舍也音義

朝

字恪苦各反

季孫喜使飲已酒而以具往盡舍旃注具燕

饗之具音義

舍音捨

故公鉏氏富又出為公左宰注出

季氏家臣仕於公孟孫惡臧孫注不相善音義

惡烏路反

下之惡子之惡我君所惡皆同

季孫愛之注愛其成已志孟氏之御

騶豐點好羯也注羯孟莊子之廢子孺子秩之弟孝

伯也音義

騶側留反點都簞反又之曰從余言必為

孟孫注為孟孫後疏

正義曰成十八年傳曰程鄭為乘馬御六騶屬焉使訓羣騶知

禮注云六騶六閑之騶則騶是掌馬之官蓋兼掌御事謂之御騶

再三云羯從之孟

莊子疾豐點謂公鉏苟立羯請讎臧氏注使孟氏與

公鉏共憎臧孫公鉏謂季孫曰孺子秩固其所也注

固自當立若羯立則季氏信有力於臧氏矣注臧氏

因季孫之欲而為定之猶為有力今若專立孟氏之

少則季氏有力過於臧氏疏

正義曰不應得而得之則彼荷其恩故功力多

也弗應已卯孟孫卒公鉏奉羯立于戶側注戶側喪

主音義

應應對之應

疏

正義曰喪大記云大夫之喪主人立于東方此立于戶側則在室戶

之東西面立也禮記云坐此云立者以季孫來故立耳

季孫至入哭而出曰秩

焉在公鉏曰羯在此矣季孫曰孺子長公鉏曰何長

之有唯其才也注季孫廢鉏立紇云欲擇才故以此

答之音義

焉在於虔反

且夫子之命也注遂誣孟孫遂立

羯秩奔邾臧孫入哭甚哀多涕出其御曰孟孫之惡

子也而哀如是季孫若死其若之何臧孫曰季孫之

愛我疾疢也注常志相順從身之害音義

疢耻刃反

孟孫

之惡我藥石也注常志相為戾猶藥石之療疾疏

正義

曰治病藥分用石本草所云鍾乳礬磁石之類多矣

美疢不如惡石夫石猶生

我注愈已疾也疏

正義曰服虔云夫謂孟孫也桓三年傳夫固謂君夫豈不知服虔

云夫謂鬬伯比也二十六年傳夫不惡女乎服虔竝云夫謂夫子也其年又曰夫獨無族姻乎杜云夫謂

晉也三十一年傳夫亦愈知治矣杜云夫謂尹何皆謂所斥前人為夫此言之類也疢之美其

毒滋多孟孫死吾亡無日矣孟氏閉門告於季孫曰

臧氏將為亂不使我葬注欲為公鉏離臧氏季孫不

信臧孫聞之戒注戒為備也冬十月孟氏將辟藉除

於臧氏注辟穿藏也於臧氏借人除葬道音義辟婢

徐甫亦反注同藉徐音借又臧孫使正夫助之注正

如字藉亦借也藏才浪反

夫隧正音義隧音遂下疏正義曰七年傳稱叔仲昭

吾多與而役是役夫隧正所主知此正夫是隧正也

隧正當屬司徒臧氏為司寇而借之於臧氏者蓋當

時臧氏兼

主掌之除於東門甲從已而視之注畏孟氏故從

甲士視作者音義

從才用反注

同音如字

孟氏又告季孫季孫

左傳注疏

二十五

怒命攻臧氏注見其有甲故乙亥臧紇斬鹿門之關

以出奔邾注魯南城東門疏

正義曰蓋舊名猶在相傳如此也且邾在魯之

東南奔邾出此門以為便初臧宣叔娶于鑄生賈及為而死注鑄

國濟北蛇丘縣所治音義

娶七往反鑄之樹反蛇音移治直吏反繼室

以其姪注女子謂兄弟之子為姪音義姪大結反又丈一反穆

姜之姨子也注姪穆姜姨母之子與穆姜為姨昆弟

疏正義曰釋親云妻之姊妹同出為姨孫炎曰同出俱已嫁也然則據父言之謂之姨據子言之當謂

之從母但子效父語亦呼為姨姨子昆弟即喪服從母昆弟是也故曰姨昆弟生紇長於公

宮姜氏愛之故立之注立為宣叔嗣臧賈臧為出在

鑄注還舅氏也臧武仲自邾使告臧賈且致大蔡焉

注大蔡大龜音義

大蔡龜名也一出蔡地因以為名

疏正義曰漢書食貨志

云元龜為蔡論語云臧文仲居蔡家語稱漆彫平對孔子云臧氏有守龜其名曰蔡文仲三年而為一兆武仲三年而為二兆是大蔡為大龜蔡是龜之名耳鄭玄云出蔡地因以名焉非也

曰紇不

佞失守宗祧注遠祖廟為祧音義

祧他彫反

敢告不弔注

不為天所弔恤紇之罪不及不祀注言應有後疏

正義

曰禮天子封諸侯以國諸侯賜大夫以族天子不滅國諸侯不滅族有小罪則廢其身擇立次賢使紹其

先祀論語云興滅國繼絕世謂此也必有大罪乃得滅之周禮大司馬云外內亂鳥獸行則滅之是也武仲自言罪輕不及於子以大蔡納請其可注請為先

不祀言其應有後也

人立後音義請為于偽反下為已請自為請為先人下文遂自為也皆同

賈曰是

家之禍也非子之過也賈聞命矣再拜受龜使為以

納請注賈使為為已請遂自為也注為自為請臧孫

如防注防臧孫邑使來告曰紇非能害也知不足也

注言使甲從已但慮事淺耳音義

知音

非敢私請注

為其先人請也苟守先祀無廢二勳注二勳文仲宣

叔疏

正義曰哀二十四年傳曰晉侯將伐齊使來乞師曰昔臧文仲以楚師伐齊取穀臧宣叔以晉

師伐齊取汶陽寡君欲徵福於周公願乞靈於臧氏是二勳謂文仲宣叔也

敢不辟邑注

據邑請後故孔子以為要君音義

要一遙反下同

乃立臧為

臧紇致防而奔齊其人曰其盟我乎注謂陳其罪惡

盟諸大夫以為戒臧孫曰無辭注廢長立少季孫所

忌故謂無辭以罪已將盟臧氏季孫召外史掌惡臣

而問盟首焉注惡臣謂奔亡者盟首載書之章首疏

正義曰周禮外史掌書外令掌四方之志今季孫召外史蓋魯亦立此官也

對曰盟東門

氏也曰毋或如東門遂不聽公命殺適立庶注文公

命立子惡公子遂殺之立宣公音義

毋音無聽吐定反適丁歷反

盟叔孫氏也曰毋或如叔孫僑如欲廢國常蕩覆公

室注謂譜公與季孟於晉音義

覆芳服反

季孫曰臧孫之

罪皆不及此孟椒曰盍以其犯門斬關季孫用之乃

盟臧氏曰無或如臧孫紇干國之紀犯門斬關注干

亦犯也音義

盍戶臘反

臧孫聞之曰國有人焉誰居其孟

椒乎注孟椒孟獻子之孫子服惠伯居猶與也音義

居音基
與音餘

○晉人克欒黶于曲沃盡殺欒氏之族黨欒

魴出奔宋書曰晉人殺欒黶不言大夫言自外也注

自外犯君而入非復晉大夫○齊侯還自晉不入注

不入國遂襲莒門于且于注且于莒邑音義

于子傷
餘反

股而退注齊侯傷明日將復戰期于壽舒注壽舒莒

地杞殖華還載甲夜入且于之隧宿于莒郊注二子

齊大夫且于隧狹路音義

殖市力反華胡化反
還音旋狹戶夾反

疏正義

曰既入而又得出宿知所入非城邑也故杜以為狹
道檀弓說此事云齊莊公襲莒于奪杞梁死焉言于

奪則當為地名鄭玄引此傳云隧奪聲相近言其與此一事則此亦為地名若是地名不得云且于之隧即如記文蓋當且于之旁別有奪地非此且于之隧也明日先遇莒子於蒲侯

氏注蒲侯氏近莒之邑音義近附近莒子重賂之使

無死曰請有盟注欲以盟要二子無致死戰華周對

曰貪貨棄命亦君所惡也注華周即華還昏而受命

曰未中而棄之何以事君莒子親鼓之從而伐之獲

杞梁注杞梁即杞殖莒人行成注勝大國益懼故行

成齊侯歸遇杞梁之妻於郊注梁戰死妻行迎喪使

弔之辭曰殖之有罪何辱命焉注言若有罪不足弔若免於罪猶有先人之敝廬在下妾不得與郊弔注

婦人無外事故下猶賤也音義

廬力居反與音預

疏正義曰

哀公使人弔蕢尚遇諸道辟於路畫宮而受弔焉曾子曰蕢尚不如杞梁之妻之知禮也鄭玄云行弔禮於野非也然則男子亦不得受野弔而言婦人無外弔者檀弓云君遇柩於路必使人弔之鄭玄云君於民臣有父母之恩是男子從柩在野則得野受弔婦人無外事雖從柩亦不得野受弔耳若男子得受野弔而曾子非蕢尚者以蕢尚在朝顯著故宜弔於其家若君遇柩於路使人弔之者謂庶人及微小之臣也檀弓因蕢尚而說此事云杞梁死其妻迎其柩於路而哭之哀則杞梁之妻於時從杞梁柩雖從柩而

辭不受弔是由異於男子故也服虔以下從上讀齊言敝廬在下禮記無下知下猶賤謙言賤妾也

侯弔諸其室注傳善婦人有禮○齊侯將為臧紇田

注與之田邑臧孫聞之見齊侯與之言伐晉注齊侯

自道伐晉之功音義

臧孫聞之見賢遍反齊侯絕句一讀以見字絕句齊侯向下讀

對曰多則多矣抑君似鼠夫鼠晝伏夜動不穴於寢

廟畏人故也疏

正義曰一解鼠不敢穿寢廟墻以為穴者自畏人故也但寢則近人廟則

幽靜鼠不穿廟豈是畏人故知寢廟間雅鼠不即以爲穴必須穿壁始敢安處止爲畏人故也計燕巢鼠穴自是其常假喻言今君聞晉之亂而後作焉注作之不可執此爲難也

起兵也寧將事之非鼠何如乃弗與田注臧孫知齊

侯將敗不欲受其邑故以比鼠欲使怒而止仲尼曰

知之難也有臧武仲之知注謂能辟齊過音義

知之音智

而不容於魯國抑有由也作不順而施不怒也夏書

曰念茲在茲注逸書也念此事在此身言行事當常

念如在己身也注

正義曰服虔云不順謂阿季氏廢長立少也不怒謂惡孟氏立廢也

然則作而不順當如服言傳無惡孟氏之事故不取當謂知其不可而為之是不怒也

順事怒

施也

經二十有四年春叔孫豹如晉注賀克樂氏

仲孫羯帥師侵齊

夏楚子伐吳

秋七月甲子朔日有食之既注無傳疏

正義曰漢書律歷志載劉歆三

統之術以為五月二十二分月之二十乃為一交以為
交在望前朔則日食望則月食交在望後望則月食後
月朔則日食交正在朔則日食既前後望不食交正在
望則月食既前後朔不食而二十一年九月十月頻月
日食此年七月八月日食凡交前十五度交後十五度
並是食竟去交遠則日食漸少去交近則日食漸多正
當交則日食既若前月在交初一度日食則至後月之
朔日猶在交之末度未出食竟月行天既而來及於日

或可更食若前月日在交初二度以後則後月復食無疑今七月日食既而八月又食於推步之術必無此理蓋古書磨滅致有錯誤劉炫云漢末以來八百餘載考其注記莫不皆兩都無頻月日食之事計天道轉運古今一也後世既無其事前世理亦當然而今有頻食於術不符有交之所在日月必食日食在朔月食在望日月共盡一體日食少則月食多日食多則月食少日食盡則前後望月不食月食盡則前後朔日不食以其交道既不復其相揜故也此與二十一年頻月日食理必不然但其字則變古為篆改篆為隸書則縑以代簡紙以代縑多歷世代年數遙遠喪亂或轉寫誤失其本真先儒因循莫能改易執文求義理必不通後之學者宜知此意也

齊崔杼帥師伐莒

大水注無傳

八月癸巳朔日有食之注無傳

公會晉侯宋公衛侯鄭伯曹伯莒子邾子滕子薛伯杞

伯小邾子于夷儀

冬楚子蔡侯陳侯許男伐鄭公至自會注無傳

陳鍼宜咎出奔楚注陳鍼子八世孫慶氏之黨書名惡

之也音義

鍼其廉反咎其疏注陳鍼子八世孫九反惡烏路反疏正義曰世本文也

叔孫豹如京師

大饑注無傳

傳二十四年春穆叔如晉范宣子逆之問焉曰古人有言曰死而不朽何謂也穆叔未對宣子曰昔勾之祖自虞以上為陶唐氏注陶唐堯所治地太原晉陽

縣也終虞之世以為號故曰自虞以上音義

上時掌反注同

治直疏

正義曰如杜此注陶唐共為一名即是晉陽吏反疏縣也釋例云晉大鹵太原大夏參虛晉陽六

名大原晉陽縣也唯載六名而言不及唐釋例又別記小國所都唐大原晉陽縣也亦云唐是晉陽而言不及陶則以陶與唐別不足共為一名也史記云帝堯為陶唐氏韋昭云陶唐皆國名猶湯稱殷商也案

經傳契居商故湯以商為國號后盤庚遷殷故殷商
雙舉歷檢書傳未聞帝堯居陶而以陶冠唐蓋地以
二字為名所稱或單或複也張晏云堯為唐侯國於
中山唐縣然則唐是中山縣名非晉陽也堯自唐侯
而升為天子既為天子乃治於晉陽故杜於晉陽六
名言不及唐記其諸國之都乃云唐是晉陽言堯為
天子號曰陶唐其治在晉陽耳唐非晉陽縣內之地
名也舜受堯禪封堯于丹朱為王者之后猶稱為唐
其名不易終虞之世以陶在夏為御龍氏注謂劉累
唐為號故曰自虞以上也

也事見昭二十九年音義

見賢通反疏正義曰昭二十九年傳曰陶唐氏既

衰其后有劉累學擾龍于豢龍氏在商為豕韋氏注
以事孔甲夏后嘉之賜氏曰御龍

豕韋國名東郡白馬縣東南有韋城疏

正義曰鄭語云祝融之後

八姓大彭豕韋為商伯矣又曰彭姓彭祖豕韋則商滅之矣賈逵云大彭豕韋為商伯其後世失道殷德復興而滅之然則商之初豕韋國君為彭姓也其後乃以劉累之後代之亦不知殷之何王滅彭姓而封累後也昭二十九年傳稱夏王孔甲嘉劉累賜氏曰御龍以更豕韋之後則賜劉累身封豕韋而此云在商為豕韋氏者杜於彼注云劉累代彭姓之豕韋累尋遷魯縣豕韋復國至商而滅累之後世復承其國為豕韋氏是杜解劉累及其後世再封豕韋之事在周為唐杜氏注唐杜二

國名殷末豕韋國於唐周成王滅唐遷之於杜為杜

伯杜伯之子隰叔奔晉四世及士會食邑於范氏杜

今京兆杜縣音義

隰徐入反復疏正義曰以國語杜扶又反下同疏伯文不連唐知唐

杜二國名又以豕韋為一嫌唐杜亦一故辯之也昭
元年傳稱堯遷實沈于大夏唐人是因以服事夏商
其季世曰唐叔虞及成王滅唐而封大叔是言周成
王滅唐也周語曰周之衰也杜伯射宣王於鎬是周
有杜國故杜以為成王滅唐遷之于杜為杜伯也晉
語訾祏對范宣子云昔隰叔子違周難奔於晉生子
輿為司空世及武子佐文襄為卿以輔成景後之人
可則是以受隨范賈遠云宣王殺杜伯其子逃而奔
晉子輿士薦字武子士會也會士薦之孫是隰叔四
世及士會食邑於范為范氏也劉炫云案杜於昭元
年注云唐人若劉累之等累遷魯縣此在大夏即如
彼言則居唐之人非累之裔此注何云豕韋國於唐
也又據何文知初封於唐後封於杜乎今知劉說非
者彼注雖似有異其義與此不殊彼傳云唐人是因
杜以唐人非一人之稱故云劉累之等謂累之子孫
故云之等也累遷魯縣傳云唐人是因因居大夏則

累之子孫遷居大夏也杜知殷末封之於唐者以周武王滅唐故也知後封於杜者以宣王時有杜伯故也是成王之時有唐無杜宣王之時有杜無唐故杜為此解劉炫又規云唐非豕韋之脩杜亦未必是後安知滅唐遷於杜也賈逵注國語云武王封堯後為唐杜二國以為竝時為國非滅唐封杜劉以為唐非劉累之後又取賈逵注國語武王封堯後為唐杜二國以為二國竝封而規杜氏非也炫謂宣子歷言己之宗族於上世有國有家未必繼體相承炫於處秦為劉謂非丘明之筆豕韋唐杜不信元愷之言己之遠祖數自譏訐或聞此義必將見嗤但傳言於晉主人懼誤後學意之所見不敢有隱唯賢者裁之

夏盟為范氏其是之謂乎注晉為諸夏盟主范氏復

為之佐言已世為興家音義

夏戶雅反注同

穆叔曰以豹所

聞此之謂世祿非不朽也曾有先大夫曰臧文仲既

沒其言立注立謂不廢絕音義

既沒其言立今俗本皆作其言立於世檢

元熙以前本則無於世二字

其是之謂乎豹聞之大有立德注

黃帝堯舜音義

大音泰

其次有立功注禹稷其次有立

言注史佚周任臧文仲音義

佚音逸任音壬

疏正義曰大上其次以人之

才知淺深為上次也大上謂人之最上者上聖之人也其次次聖者謂大賢之人也其次又次大賢者也立德謂創制垂法博施濟眾聖德立於上代惠澤被於無窮故服以伏羲神農杜以黃帝堯舜當之言如此之類乃是立德也禮運稱禹湯文武成王周公後代人主之選計成王非聖但欲言周公不得不言成

王耳禹湯文武周公與孔子皆可謂立德者也立功
謂拯危除難功濟於時故服杜皆以禹稷當之言如
此之類乃是立功也祭法云聖王之制祭祀也法施
於民則祀之以死勤事則祀之以勞定國則祀之能
禦大菑則祀之能捍大患則祀之法施於民乃謂上
聖當是立德之人其餘勤民定國禦災捍患皆是立
功者也立言謂言得其要理足可傳記傳稱史佚有
言論語稱周任有言及此臧文仲既沒其言存立於
世皆其身既沒其言尚存故服杜皆以史佚周任臧
文仲當之言如此之類乃是立言也老莊荀孟管晏
揚墨孫吳之徒制作子書屈原宋玉賈逵揚雄馬遷
班固以後撰集史傳及制作文章使後世學習皆是
立言者也此三者雖經世代雖久不廢此之謂不朽
常不朽腐故穆子歷言之

若夫保姓受氏以守宗祊注祊廟門音義

祊布彭疏
反注同

正義曰釋宮云祊謂之門李巡曰祊故廟門名也孫炎曰詩云祝祭於祊謂廟門也世不絕祀

無國無之祿之大者不可謂不朽注傳善穆叔之知

言○范宣子為政諸侯之幣重鄭人病之二月鄭伯

如晉子產寓書於子西以告宣子曰注寓寄也音義

寓音遇子為晉國四鄰諸侯不聞令德而聞重幣僑也

惑之僑聞君子長國家者非無賄之患而無令名之

難夫諸侯之賄聚於公室則諸侯貳注貳離也音義

長丁丈反難如字又乃旦反賄呼罪反若吾子賴之則晉國貳注賴恃

用之諸侯貳則晉國壞晉國貳則子之家壞何沒沒

也注沒沒沈滅之言音義

沒如字一音妹沈溺也

將焉用賄夫

令名德之輿也注德須令名以遠聞音義

焉於虔反聞音問又

如德國家之基也有基無壞無亦是務乎有德則樂

樂則能久詩云樂只君子邦家之基有令德也夫注

詩小雅言君子樂美其道為邦家之基所以濟令德

音義

樂樂竝音洛夫音扶下也夫同

上帝臨女無貳爾心有令名也

夫注詩大雅言武王為天所臨不敢懷貳心所以濟

令名音義

女音汝

疏

正義曰詩小雅南山有臺之篇只

美也言有樂美之德君子以有樂

美之德故為邦家之基本也此詩所言言此君子有令德也夫又引詩大雅大明之篇詩人謂武王云上天之意臨視汝武王矣言武王為天所臨不敢懷貳於女之心此詩所言言武王有令名也夫樂美君子者言君子有可樂可美之德也劉炫云詩人謂武王云上天之意臨視女武王故在下臣民無懷貳於女之心也

怒思以明德則令名載而行之是以遠至邇安

毋寧使人謂子子實生我注無寧寧也音義

母音無

而

謂子浚我以生乎注浚取也言取我財以自生音義

浚思疏

正義曰無寧寧也言人等作二事為不取人俊反財寧使人謂子實能生養我民也為多取人

財使人言子不能自活而須我
民財以生活乎此二者孰勝也
象有齒以焚其身賄

也注焚斃也音義

焚扶云反服云焚讀曰疏

正義曰焚是燒

也象不燒死故訓為斃服虔云焚讀曰償償僵也為生齒牙僵仆其身

宣子說乃輕幣

是行也鄭伯朝晉為重幣故且請伐陳也鄭伯稽首

宣子辭子西相曰以陳國之介恃大國而陵虐於敝

邑注介因也大國楚也音義

說音悅為于偽反下注魯為同相息亮反介音

戒注及寡君是以請罪焉注請得罪於陳也音義是

下同請罪焉一本作是以請請罪焉請並七井反徐上請字音情

敢不稽首注為明年

鄭入陳傳○孟孝伯侵齊晉故也注前年齊伐晉魯
為晉報侵○夏楚子為舟師以伐吳注舟師水軍不
為軍政注不設賞罰之差無功而還注為下吳召舒
鳩起本○齊侯既伐晉而懼將欲見楚子楚子使蘧
啟疆如齊聘且請期注請會期音義疆其良反齊社
菟軍實使客觀之注祭社因閱數軍器以示蘧啟疆
音義菟所求反閱音悅數所主反陳文子曰齊將有寇吾聞之兵
不戢必取其族注戢藏也族類也取其族還自害也

音義

戢側立反

○秋齊侯聞將有晉師注夷儀之師使陳

無宇從遠啟疆如楚辭且乞師注辭有晉師未得相

見崔杼帥師送之遂伐莒侵介根注介根莒邑今城

陽黔陬縣東北計基城是也齊既與莒平因兵出侵

之言無信也音義

黔其廉反又其令反如淳音耿弇反陬側留反又子侯反韋昭音諏

基本又作其音基又如字漢書作斤如淳斤音基

○會于夷儀將以伐齊水

不克注晉合諸侯以報前年見伐○冬楚子伐鄭以

救齊門于東門次于棘澤注以齊無宇乞師故也諸

侯還救鄭注夷儀諸侯晉侯使張骼輔蹠致楚師求

御于鄭注欲得鄭人自御知其地利故也音義

骼庚百反

一音古洛反蹠力狄反徐音洛鄭人卜宛射犬吉注射犬鄭公孫音

義

宛於元反射食亦反徐神石反

子大叔戒之曰大國之人不可與

也注言不可與等也欲使卑下之大叔游吉音義

叔

音泰下

對曰無有衆寡其上一也注言在已上者有

常分無大小國之異音義

分扶問反

疏正義曰射犬之意言我與彼俱是大

夫無有國土大小人民衆寡之異其在我上彼此一也其意言我下鄭卿亦下晉卿彼若是卿我當下之

彼是大夫
我不下之
大叔曰不然部婁無松栢注部婁小阜松

柏大木喻小國異於大國章義
部蒲口反徐扶苟反婁本或作樓路口反

徐力侯反疏
正義曰釋地云大陸曰阜大阜曰陵李阜扶又反巡曰大陸謂土地高大名曰阜阜最大

為陵則阜地之高者是丘陵之類也部婁小阜相傳
為然大山有松栢小阜無松栢小阜異於大山喻小
國異于大國不得與大國之人等也服虔云
喻小國無賢材知勇之人不與大國等也
二子在

幄坐射犬于外注二子張骼輔躒幄帳也音義
幄於角反

既食而後食之使御廣車而行注廣車兵車音義
後食

音嗣廣古
曠反注同已皆乘乘車注乘車安車音義
下乘字繩證反注及

同 下皆將及楚師而後從之乘皆踞轉而鼓琴注轉衣

裝音義 踞居慮反轉張戀反注及下同一 疏正義曰 踞謂坐

其上也戰車所有可坐其上明是衣囊耳當是盛衣 甲之囊也下云取胄於橐當必有小囊盛胄定本作

衣近不告而馳之注射犬恨故近敵不告而馳皆取

胄於橐而胄入壘皆下搏人以投收禽挾囚注禽獲

也音義 胄直救反橐古毛反壘力軌 弗待而出注射

犬又不待二子皆起乘抽弓而射既免復踞轉而鼓

琴曰公孫同乘兄弟也注言同乘義如兄弟音義 扶復

又反下復討同

胡再不謀注謂不告而馳不待而出對曰曩

者志入而已今則怯也皆笑曰公孫之亟也注亟急

也言其性急不能受屈音義

曩奴黨反鄉也怯去業反亟居力反注同

正義曰曩猶向也向者志入前敵而馳馳入遇怯而出非是故不告也

○楚子自棘澤

還使蘧啓疆帥師送陳無字注傳言齊楚固相結也

○吳人為楚舟師之役故注在此年夏音義

為于偽反下注

同召舒鳩人舒鳩人叛楚注舒鳩楚屬國召欲與共

伐楚楚子師于荒浦注荒浦舒鳩地音義

浦判五反使沈

尹壽與師祁犁讓之注二子楚大夫音義

犁力兮反又利之反

舒鳩子敬逆二子而告無之且請受盟二子復命王

欲伐之遠子曰不可注令尹遠子馮彼告不叛且請

受盟而又伐之伐無罪也姑歸息民以待其卒注卒

終也卒而不貳吾又何求若猶叛我無辭有庸乃還

注彼無辭我有功為明年楚滅舒鳩傳○陳人復討

慶氏之黨鍼宜咎出奔楚注言宜咎所以稱名○齊

人城邾注邾王城也於是穀雒鬪毀王宮齊叛晉欲

求媚於天子故為王城之音義

郊苦疏正義曰傳稱洽反成王定鼎于

郊鄭周公就而營之謂之洛邑亦名王城其地舊名為郊故以郊為城名周語云靈王二十二年穀洛鬪

毀王宮計靈王以二年即位往年為二十二年往年毀壞其城故齊人今歲為王城之也穆叔如

周聘且賀城王嘉其有禮也賜之大路注大路天子

所賜車之總名為昭四年叔孫所以賜路葬張本○

晉侯嬖程鄭使佐下軍注代欒盈也鄭行人公孫揮

如晉聘注揮子羽也音義

揮許韋反

程鄭問焉曰敢問降

階何由注問自降下之道音義

下遐嫁反又如字

疏正義曰下注階

猶道也知問降階者問自降下之道程鄭既得為子卿以卿是高位欲降意下人故問自降下之道

羽不能對歸以語然明注然明醜蔑音義語魚據反醜子公反

然明曰是將死矣不然將亡貴而知懼懼而思降乃

得其階注階猶道也下人而已又何問焉注言易知

音義下戶嫁反易以鼓反且夫既登而求降階者知人也不在

程鄭其有亡釁乎不然其有感疾將死而憂也注言

鄭本小人為明年程鄭卒張本音義夫音扶知音疏智釁許覲反

正義曰程鄭忽問降階然明議其將死故云此程鄭身有罪禍懼奔亡之釁而輒問降階也若不然則有

迷惑之疾將死而憂乎何休難此云善言者君子所
尚有小人道之輒為死徵是善言不可出口此未得
傳之意也然明者鄭之知人知程鄭以佞媚嬖幸得
升卿位非有謙退止足之心今忽問降階是改其常
度以其改常知其將死故疑其知將有亡釁惑疾而
憂故能出此語耳善言非其常所以知其死非謂口
出善言即當死也趙文子賢人也將死其語偷程鄭
小人也將死其言善俱是失常無所怪惑也

春秋左傳注疏卷三十五

春秋左氏傳注疏卷三十五考證

公會晉侯齊侯宋公衛侯鄭伯曹伯莒子邾子薛伯杞

伯小邾子于沙隨公至自會注無傳○臣浩按傳言

復錮欒氏是有傳也注云無傳者蓋為公至自會言

意古本公至自會自為一條

傳鄭人使少正公孫僑對曰注少正鄭卿官也○臣召

南按鄭有六卿其司徒司馬司空皆見於傳有太宰

官而非卿石渠是也少正為卿官尋傳上下惟見此

文是時子產之位在三其上為子展子西伯有見二

十六年傳

傳貳於楚者子侯石孟歸而討之注石孟石奭○

臣召

南按石奭與良霄以十一年如楚為楚所執傳在會

蕭魚之前至十三年冬楚人始歸良霄于鄭石奭之

計也此傳言歸而討之似蕭魚會後鄭即朝晉十二

年春歸國即討子侯石孟石孟似又是一人非石奭

也必以石奭實石孟則所謂子侯者又何人乎

傳執事實重圖之○趙汭補注曰此記子產之言與二十九年女叔侯論魯事皆以見霸國政令無節諸侯不勝其勞晉之不競以此

晉欒盈復入于晉入于曲沃注據曲沃衆還與君爭非欲出附他國故不言叛○劉敞曰不言叛者劫衆以敵君則亂而已矣蘇轍曰不書自齊何也齊之納盈非以兵明納之也辟如盜賊私納之耳

齊侯襲莒○林堯叟曰春秋書襲者此特筆也

傳慶氏以陳叛○趙汭補注曰叛楚非叛國故不以叛告也

傳知悼子少而聽於中行氏注悼子知螢之子荀魚也

○臣召南按史記索隱引系本云林父生庚庚生偃

偃生吳又曰首生螢螢生朔朔生盈並是四代則知盈與中行吳是再從兄弟也

傳齊侯伐衛注先驅前鋒軍○先驅監本訛作申齊今改正

傳趙勝帥東陽之師以追之疏服虔以東陽為魯邑繆之甚矣東陽之師謂下文叔孫豹所帥者也○臣召

南按孔疏既知服虔以魯東陽解晉東陽之非又云東陽之師謂下文叔孫豹所帥是仍以魯師解晉師矣傳下文明曰叔孫豹帥師救晉次于雍榆與趙勝所帥東陽之師並無干涉疏文自相矛盾又何以糾服虔之失也尋按文勢必係從來刊本之誤疑疏元文當云服虔以東陽為魯邑東陽之師謂下文叔孫

豹所帥者謬之甚矣

傳臧賈臧為出在鑄○臣召南按十七年傳高厚圍臧

紇于防耶叔紇臧疇臧賈帥甲三百宵犯齊師送之
而復是賈于紇為卿之後亦嘗還魯矣紇奔邾時賈
又在鑄耳

傳自虞以上為陶唐氏○臣召南按唐書宰相世系表

劉氏出自祁姓劉累事夏為御龍氏在商為豕韋氏
在周封為杜伯至宣王滅其國其子隰叔奔晉為士

師生士薦薦生成伯缺缺生士會

傳在周為唐杜氏注遷之於杜為杜伯杜伯之子隰叔
奔晉○監本脫杜伯二字今添

傳齊社蒐軍實注祭社因閱數軍器○祭社監本訛作
祭禮今改正

傳齊人城邾○趙汭補注曰時穀水盛出於王城之西
而南流入于洛水毀王城之西南將及王宮故齊人
城邾

春秋左氏傳注疏卷三十五考證